

I LEZA OYO UUVUBIDE MU LUSE

 Inga mwa kkala. Nda kali...na kuyobolwa, kunjila a kubona Mukwesu Moore a boonse babo awa aa cibumbili, beenzuma abo Mbe kaziba kwa myaka minji loko. Calo ncoolwe kubabona okuno sunumasiku. Nda limvwa kubaanga muniimi kwiimikila awa a kukanana antoomwe a basilwiiyo lwabukombi bali boobu kusule lyangu, alimwi ndiza bayo ndilulamika cindi Nda lubila. Nda syoma obo.

² Tuli kkomene kapati sunumasiku kuba a muntu umwi okuno, Mucizi Rose. Twa li kuselemuka...Ndali antomwe a Mukwesu Shores a mugwasyi wakwe, sunu, ku cisusulo ciniini. Elyo mu mugwagwa kuselelo, Mukwesu Williams wakaamba kuti Mucizi Rose wakali cisidwe kapati. Elyo twa njila kuyo mubona kwa kaindi buyo kaniini, twa fugama. Elyo waa jisi ntuntumanzi yanguzu, a kuciswa ncobeni. Majwi buyo masyoonto aa mupailo, elyo Mwami wakakanana kuli ndiswe, a kuti, "Uyo ponesegwa." Kati, "Uyo bako juunza masiku," ba laamba. Elyo ngooyu mpali sunumasiku, uli kkede mpoonya awa. Mbo mbubo.

³ Mucizi Rose, koimikila aniini buyo, kutegwa ba...Tuli lumbide ku Mwami. Waa kali sibukili bulo. Waa kati, "I-i dyabulosi waka ndizunda kuzwa ku zintuzyonse. Nda kaboola kuno a kuba a kuciswa kwa nseba a ceeci," musyobo umwi wa bulwazi bwa kameneno, a zimwi zimbi. Pele Mwami wamuleta ka muzwidilizya, aboobo kuli ceeco tuli kkomene. Kulumba Mwami oyandwa!

⁴ Lino twa kali kuba a ziindi zibotu. Elyo juunza masiku, lino, tula unka okuya ku i—i Ramada. Elyo muta lubi eno, ta ukabi kuno juunza masiku, uyooba ku Ramada. Alimwi muswaangano wabaiminizi ula talika masiku accilila. Kacita kundi lekela busiku bomwe bumbi, nywebo mulizi.

⁵ Aboobo busiku bwainda Nda—Nda kaunka kulaale kuzwa ku ceekelo, Nda kabaanga ndapanga cisyomezyo ciniini kuli lwangu kuti, citaanzi ca mwaka, kuti Ndiyo fwiimpya Milumbe kuzwa ku maoora otatwe na one, osanwe, ndiza kutandila maminiti ali makumi otatwe na makumi one. Elyo mbuli mbo Nda kamwaambila masiku ainda, mukaintu wangu waka ndaambila Munsondo, kati, "Wa kacita kabotu loko." Aboobo—aboobo mpawo, mubwini, Nda kacita kusika antoomwe masiku ainda a kuci nyonyoona, mwabona. Pele Nda kali maminiti ali makumi osanwe aosanwe, mubusena bwa makumi otatwe, masiku ainda.

⁶ Katu selemuka, sunumasiku, Billy waamba, "Ino uyo kanana nzi?"

⁷ Nda ti, "Ee, Ndi jisi bulembo busyoonto bulembedwe awa, a Magwalo amwi. Ta ndizi, imwi yayo, Milumbe iili yone na yosanwe." Nda ti, "Nda limvwa cindi Nda selemukila okuya, a kubona eco cicitika."

⁸ Wati, "Wa kasyomezya kupailila bantu boonse baciswa."

Nda ti, "Iiyi, munene. Ali ongaye makkadi ngo jisi?"

Wati, "Myaanda yobile."

Nda ti, "Ncibotu ndatalika ali mbabo, sunumasiku."

⁹ Elyo wa ti, "Lino yeeya, uuba biyo a maminiti ali kkumi aosanwe aaku kanana." Wati, "Wa kabweza cimwi ca ncico masiku ainda." Tula binda, Nse kocita na?

¹⁰ Ee, twa kapanga cisyomezyo kuli ndinywe, kuti inga twa kombela bantu abo bajisi makkadi amipailo, elyo tuli—tuli sinikizidwe ku cisyomezyo, mubwini. Ta tukonzyi kubaleta boonse mu mindando eyi, alimwi Nse konzyi kubaita camugame, omuya mu bbunga. Nekubakuti Muuya Uusalala wacipa kuli ndime, Nse—Nse konzyi buyo kwiimikila kucicita. Cila vulisy a loko kuli ndime. Elyo, pele toonse tuli zibilene a zintu ezyo. Tu lizi kuti Leza ucili Leza. Ta cili ceeco ciponya. Nceeco buyo ciyaka lusyomo, ku tuzibya kuti—kuti tuli mu Busyu Bwakwe.

¹¹ Elyo tuyu, sunumasiku, kukombela bantu abo boonse baciswa, umwi aumwi wabo uujsi ayo makkaadi aamipailo, bayanda kupaililwa. Elyo mpawo juunza masiku, okuya ku Ramada, tuyu sola kuvozya bamwi a kutilika kuba kombela okuya, nkaambo Ndi cijisi juunza masiku. Elyo Ndi yeeya kuti Ndi jisi busiku bomwe bwa muswaangano wabaiminizi, ndiza kalimbabula akalo. Ciya mbuli zintu mbo ziboolaa.

¹² Kuli bamwi, umwi wa bakanazi oyo wata libonya; tana cita, Nse yeeyi. Mukwesu Humburg, na sa eco...[Ii mukwesu waamba, "Amburgy."—Mul.] Amburgy, Amburgy, Kash Amburgy. Aboobo Nda—Nda cimvwa buteensi conse, eelyo ndi zina lya German. Nda—Nda yeeyela kuti ndyaci German. Abooboo inga Nda bee ndauma kusyamba, mbuli mbo tu kwiita, jatile ku bwaambe, kuli nguwe.

¹³ Aboobo twa kali kuba a ciindi cibotu mu Mwami, nekuba. Kuli ndinywe nyoonse, ikuti na kuli beenzu bamwi okuno sunumasiku, tuli kkomene ncobeni kuba andinywe, a kusyoma kuti Mwami uyo mulongezya. Nda komba kuti takukabi bantu baciswa bali boonse mu buyake cindi twa zwa sunumasiku, kuti Mwami wesi uyo seluka mu nguzu Zyakwe zipati alimwi uyo ponya boonse bacisidwe a bapengede.

¹⁴ Okuno ciindi cimwi cainda, Nda kali kunga ndabweza bagame ku miswaangano yakubuzanya kwakumbali, tumwi twaambo tuyumu nto twata kakonzya kumanizya. Mpawo kula kumena kapati, kusikila kwayandika kuba, Mwami waka zumanana ku kulongezya, mane twa kaba abali myaanda

yotatwe na yone ya baabo bakali kulindila, elyo aboobo bantu bala nyonganisigwa kukulimvwakwabo nkaambo kakuti bala lindila. Ndiza, aa ciindi eco cinji, inga weelede kulindila ndiza mwaka na yobile, kutegwaunjile kuli ncico, mwabona, buyo akati ka miswaangano, ku batola ku miswaangano yakubuzyanya kwakumbali. Elyo inga twa kali ku kkala buyo a kulindila aa Mwami kusikila Wa katwaambila ncobeni kaambo.

¹⁵ Kwiina kuzumbauzya kuli bantu bakkede awa sunumasiku bali mu miswaangano yakubuzyanya kwakumbali. Sa nkobali? Atu bone amutambike maanza anu. Ku miswaangano yakubuzyanya kwakumbali. Iiyi, mbaabo bali kkede, aboobo, a kuziba kuti mbo mbubo. Tu lindila buyo kubona eco Mwami ncanga waamba, eco kaambo ako... Elyo mpawo Nda cita kulesya ceeco okuno ciindi cimwi cainda. Nda kaambila Billy kuti tii twa konzya kuba akubuzyanya kwakumbali kuli koonse.

¹⁶ Mwabona, Nda—Nda—Nda kazwaa kwiinda makumi obile ayosanwe, calino, ciindi cabili, a kuzumanana kusika ku ciindi catatu. Elyo aboobo mbuli mboya bukomena aniini, baa, to citi, yebo... bumwi to konzyi kuba mbuli mbo kali kucita. Ntaamo zyako zila fwiimpa. Elyo—elyo, mubwini, Mukwesu Moore tazi cintu cili coonse kujatikizya eco pe. Walo... Ndi yeeya kuti tu tandila kuba misela yeelene yakukomena.

¹⁷ Pele maanzi manji aka selemukila mu mulonga mukuti yebo a Mebo, a Mukwesu Brown nitwa kasika okuno ciindi citaanzi, a Mukwesu Outlaw a Mukwesu Garcia, a Mukwesu Fuller. Nda libuzya ikuti na balo baalumi nkobali mukati omuno sunumasiku? Mukwesu Garcia, Mukwesu Fuller, Mukwesu Outlaw, sa nkobali? Amunyamune maanza anu ikuti na nkomuli. Iiyi, ngooyo Mukwesu Fuller, Nda syoma, ikuti na Nse lubizya. Mukwesu Outlaw kutala okuno. Mukwesu Garcia, Nda—Nda syoma nekubakuti wa siya Phoenix. Ndi yeeya kuti mbo mbubo. Wa—wa kazwa ku Phoenix, alimwi uli okuya mu California. Ee, akali mazuba malemu ncobeni, elyo Ndi cisyoma Mulumbe nguwenya Ngwe kajisi kaindi, “Jesu Kristo mbobuca nguwenya, sunu, amuya myaaka.” Ndi yeeyela kuti eco cali kutandila... Ee, Becky wakali muvwanda. Oko nkutandila myaka ili kkumi afuka.

¹⁸ Elyo lino walo musimbi, mupati, uneneede, ugalankene kakkede okuya kubusena bumwi, myaka ili kkumi afuka yakukomena. Uli kuli, Becky? Mulombe, uyo ndijanina kuli ceeco. Nda yeeya nkemu bikkide mu kuboko kwangu. Inga masimpe ndaba a ncito mukucita ceeco sunumasiku.

¹⁹ Amuyeeeye okuya ku mbungano ya Mukwesu Garcia busiku bumwi, waa kali muttu muniini. Elyo Nda kati, “Tu jisi muswaangano wa masi manji sunumasiku.” Nda kati, “Ndi kanana ku Spanish.” Elyo Nda kati, “Mukaintu wangu okuno muna German.” Nda kati, “Ndili muna Irish.” Elyo Nda kati,

“Elyo musimbi wangu muniini muna India,” nkabela oyo wakali Becky.

²⁰ Aboobo cindi Ne kazwa ku mulyango wa kusule, kwakali musimbi muniini muna Mexico okuya, kati, “Mukwesu Branham!”

Kati, “Iiyi, oyandwa, ino uyanda nzi?”

Kati, “Sena to yeeyi kuti muvwanda wako ula tubuluka aniini, kuba muna India?” Walo ula masusu atubuluka, nywebo mulizi.

Elyo Nda kati, “Muna India buyo mu micito.”

²¹ Ee, tuli lumbide, kuti, kuba okuno alubo sunumasiku. Lino katutana kuboola ku Ijwi, atu Mu langanye, nkambo Walo ndi Ijwi. Cindi Ijwi lya yubululwa, ngo Nguwe muli nduwe.

²² Mbuli mbutwa kajisi masiku ainda aa *I Mbuto Ya Lukazyo*, sena mwaka lumba eco, Mwami kalongezya? Nda—Nda lumba ncobeni kuleta Mulumbe kuli ndinywe. Elyo tula bona obo imbuto mbo zibede.

²³ Lino sa kuli nkumbizyo nsalensale sunumasiku, cintucimwi buyo cisalesale? Ndiza bamwi banu nyoonse nomu yooba mu mundando oyu wa mipailo, kwaamba, “Leza, koba siluse. Cindi Nda boola kukombelwa, lekela lusyomo lwangu kubuka kuyo swaana ziimo.” Elyo—elyo ndiza muntuumwi ujisi umwi muyandwa, mulwazi, a cintucimwi. Walombwa utambike buyo janza lyako kutegwa Leza akonzye buyo kulanga ansi a kwaamba... Lino ikuti eco... Ta muzi obo mbo cindibamba kulimvwa kulanga okuya. Amulange buyo kubula mukati muno! Bakwesu bakutausi, amulange buyo kuli eco. Mwabona? Lino, ikuti na cindibamba kulimvwa booboo, ino cicita nzi kuli Taata wesu? Nincobeni.

Lino atu kombe.

²⁴ Oyandwa Jesu, twa swena eno ku Cuuno cabwami cipati ca luse, kwiinda mu Zina eli lili jisilidi kuli zyoонсе. “Nkambo kwiina Zina limbi lipedwe aakati ka bantu omo mo tweede kufutulwa, pele Zina eli buyo lya Mwami Jesu.” Elyo tu boola mu Zina Lyakwe. Elyo twa komba, Taata Wakujulu, kuti Uyo tutambula, sunumasiku, mbuli bana Bako basyoma. A kujatila kutasyoma kwesu, Mwami. Ko cigwasya sunumasiku, kuti inga caba kuti tuyu syoma cakumaninina Ijwi lya Leza lyoonse sunumasiku, ku zintu zyoонсе nzo tu bulide.

²⁵ Yebo ulizi eco cili kunsi lya maanza aya aa nyamunwa; kuli malwazi, amwi alo inga aba mapenzi akung’anda, amwi mapenzi azyamali, bamwi babo bali katede, ndiza bamwi bakawa, sizibi umwi. Kufumbwa kubula mbo kubede, Yebo ulaindilila kundundana a sinkondo nyokwe uli onse. Aboobo twa komba, Mwami, kuti—kuti sunumasiku, kuti tuyu ziba kuti basinkondo besu, umwi aumwi, baka zundwa, akwalo ku lufu

Iwini. Alimwi kuti tuli basikuzunda bainda muli Nguwe Oyo—Oyo waka tuyanda a kulipa Lwakwe nkambo ka ndiswe, wa ka tusanzya mu Bulowa Bwakwe.

²⁶ Twa lomba, Mwami, kuti kutasyoma koonse, kuzumbauzya koonse, kunyonganisigwa koonse, koonse kuta yandiki kuli Leza, kuya kutija kuzwa kuli ndiswe sunumasiku, kuti Muuya Uusalala inga waba a nguzu zya nzila mu myoyo yesu. Akube kuti Aka kanane kuli ndiswe mu nzila zya maseseke. Akube kuti Aka nane kuli ndiswe mu Nguzu Zyakwe. Akube kuti Abusye abo ba—ba fwide kumuuya, kujosya ku nseba mbotu kuli baabo baciswa a bapengede, kunyamune mazwi akompeme, amaanza akatede ayo alengelela. Elyo akube kuti kube ciindi ca kutangala.

²⁷ Akube kuti cimwaike sunumasiku, Mwami, kusiya busena obu kuyaku Ramada Inn, a katalika umwi wa miswaangano mipati maningi eyo yakasola kujatwa mu dolopo eli. Mwami, kuciindi notubungene antoomwe a kukomba! Yebo wakati, “Ikuti na bantu baitwa ku Zina Lyangu, bayo libunga antoomwe a kukomba, mpawo Ndiyo mvwa kuzwa ku Julu.” Leza, twa komba kuti eci ciyooba booboo, sunumasiku.

²⁸ Lino, Taata, mbuli mbo tubala Ijwi, taakwe ukonzya ku Li pandulula pele Nduwe, Nduwe sikupandulula Lwako Mwini, elyo twa komba kuti Uyo tu pandulwida zintu nzo tubala sunumasiku. Nkambo twa cilomba mu Zina lya Jesu. Ameni.

²⁹ Lino ikuti na bunji bwanu mula yanda kweengela buyo Magwalo ayo mukutausi nga bala. Elyo Ndi yanda ndinywe mucite, sunumasiku, ikuti na mula yanda, ku jula ku Baefeso.

³⁰ Elyo Nda kali kukanana Munsono mwainda aa ba Efeso, obo Bbuku lya Joshua lyakali lya Baefeso ba Cizuminano Cakale, aboobo mbo lyakali Bbuku lya lununuko.

³¹ Elyo lununuko lujiyi zipanzi zyobilo zyandeene: “amuzwe” a “kunjila.” Lutaanzi, mweelede kuzwa. Bantu bamwi bayanda kuleta inyika antoomwe ambabo; pele mweelede kuzwa mu inyika, kunjila muli Kristo. We elede kuzwa ku kutasyoma, kunjila mu lusyomo. Taku konzyi kuba cintu comwe mu nzila yako. Kuba a lusyomo lwini, we elede kusiya ncobeni zintuzyonse ziimpene ku Ijwi lya Leza, kusule, kunjila mu lusyomo.

³² Elyo lyakali Bbuku lya ba Efeso ba Cizuminano Cakale, Joshua. Oko, Musa nkakali kwiiminina mulao, wataka konzya kufutula muntu; pele luzyalo lwakali kukonzya, elyo ndeeli Joshua bbala ndilyonya likozyanya alya Jesu, “Jehova mufutuli.”

³³ Elyo lino mpawo, tu jana kuti twa boola ku Baefeso bambi, Efeso imbi lino. Oko, kuti, mu tubungwe twesu twa bupampu a zimwi zimbi, a oonse mabambe esu aa Iwiliyo aka boola ku Jordano wawo—wawo, mpawo tweelede kuba ii—ii Baefeso

alubo. Twe elede kuba a kulonga, ku “kuzwa” a ku “njila,” ku Kukwempwa.

³⁴ Lino tula bala sunumasiku kuzwa ku cipati 2 ca Baefeso. Ndali kwaamba buyo eco kutegwa mukonzye kusika ku i—i kasena, na kujula ku chipati.

Nywebo, alimwi wa ka mupononosya, abo baka fwide mu milandu a cibi:

Omo mwalo mu ziindi zyansiku nywebo mwa keenda mbuli ku nzila zya nyika eyi, kweendelana kuli sibwami wa nguzu zya mu luwo, muuya oyo eno uubeleka mu bana batamvwi:

Akati ka ndiswe akwalo toonse twa kajisi maumi esu mu ziindi zya kainda mu zisusi i zya kunyama, kuzulizya kuyandisyia kwa mubili a kwa mizeezo; alimwi twa kali obo ku bulenge bana ba bukali, akwalo mbuli bamwi.

Pele Leza, oyo uuvubide mu luse, ku luyandisyio lwakwe lupati muli ndulo mwa ka tuyanda,

Akwalo cindi ni twa kafwide mu cibi, Wa ka tu pononosya antoomwe antomwe a Nguwe, na, katu pononosya antoomwe a Kristo, (ku luzyalo nywebo mula futulwa;)

³⁵ Ndi yanda kubweza awo tusyoonto, na cibeela ca kampango, “pele Leza,” *I Leza Oyo Uuvubide Mu Luse.*

³⁶ Ndi yanda kuti mubone awa zya musinsimi, muapostolo, mubwini, Paulo, oyo—oyo, obo mbwa kaamba ceeci, nzila, “Yebo Wa ka mupononosya, oyo waka fwide lumwi. Nywebo Ngwa kapononosya, nomwa kafwide lumwi, kafwide mu cibi a nsotoko; keenda kumbele lya zintu zya nyika, kuyandisyia kwa nyama, a kuzulizya kuyanda kwa mizeezo. Sa . . .”

³⁷ Ncinzi cakacitya kucinca oku, nywebo mwabona? Elyo ncinzi cakacicitya, “kuzwa ku ciindi comwe kufwa,” kupononosya? *Kupononosya* caamba “kubambwa baumi.” Kwakali kucinewa, kuzwa ku lufu kuyaku Buumi. Taakwe cimbi, kwiina cintu cimbi cakali kukonzya kucitika ku muntu uli oonse, cipati loko, mbuli kumucincea kuzwa ku lufu kuyaku Buumi. Ii muntu, ikuti na wakali kufwa, kunyama, a kukonzya kuponesegwa cakunyama, eco inga caba cintu cipati, pele kwiina cintu cipati maningi mbuli cindi na fwide kumuuya nkabelia Leza waka mupononosya ku Buumi.

³⁸ “Nywebo ciindi cimwi, mu ziindi zyakaindi, kafwide.” Mwa kali fwide. Akwalo banji okuno sunumasiku, ciindi cimwi, inga ba cebuka a kuziba kuti wakali fwide. Pele lino nkaambonzi to fwide sunumasiku, mbuli mbo kabede kaindi? Uleelela kuba munzila eyo, nkaambo wakali sizibi, “pele Leza Oyo uuvubide mu luse.” Eco i—eco nce cintu, “Leza Oyo ulivubide.” Zintu ezi

zyoonse nzyo twakabede, “pele Leza”! Eco cakabamba kucinca mpoonya awo, “Leza Oyo uuvubide mu luse”!

³⁹ Oh, Ndili kkomene kapati kuli ceeco, kuti Walo mukuba muvubi mu luse. Ikuti na Wa kali vubide buyo mu mali, ikuti na Wa kali vuba nconzyo mu zibelesyo, obo Mbwa bede, pele nekubaboobo cintu cipati maningi nkuba uuvubide mu luse. Oh, ino ndibbala pati, obo mbo twa kafwide lumwi.

⁴⁰ Elyo twa kali kukanana busiku bumwi obo mbuto mbo yeelede kufwa. Elyo zintuzyonse kuzunguluka nseke eyo ya buumi ta yeelede kufwa biyo, pele kubola. Ikuti na ta ibola, ta ikonzyi kupona. Elyo *kubola* nku, “zimaazigwa cakumanininina; kwa mana.” Elyo kusikila twa sika ku busena oko mizeeo yesu ini a kuyeeya kwesu kwini kuli manide cakumanininina alimwi aku bola kuzwa kuli ndiswe, mpawo nseke ya buumi inga yatalika kupona.

⁴¹ Lino—lino inga twa, inga Nda njizya njiisyo niini buyo awa, eyo Nje ta . . . Ikuti na to cisyomi, ncibotu. Eco cili kabotu buyo. Nda cisyoma. Nda syoma kuti—kuti muntu, cindi azyalwa mu inyika eyi, kuti cindi wanoli muvwanda muniini, wakazyalwa mu inyika, inga nota kakonzya kuba okuno kakutakwe kuzibakale kwa Leza, nkaambo Walo mupatikampatila alimwi Uli zyi zintu zyoonse. Elyo cindi oyo muvwanda muniini azyalwa mu inyika, kuli cintucimwi mu muvwanda ulya. Ikuti na uyo sola kuba a Buumi, kuli cintucimwi ciniini omuya, mu mwana oyo mpawo, oko nkwa boola, ku ciindi ciza. Eyo mbuto niini ili muli nguwe. Lino ikuti na moyo bweza . . . I Magwalo alaamba caantangalala obo.

⁴² Lino ikuti na ujisi Buumi Butamani sunumasiku, ikuti na tu jisi Buumi Butamani, mpawo lyoonse twa kali obo, nkaambo kuli buyo musyobo omwe wa Buumi Butamani. Mbo twa kabede lyoonse. Elyo kaambo ncotwa kabede, nkaambo tuli cibeela ca Leza. Elyo Leza ncintu luzutu eco Citamani.

⁴³ Elyo mbuli Melikisedeki mbwa katambula kwakkumi kuzwa kuli Abrahamu, alimwi cakabikkidwe ku muzukulu wakwe mupati, Levi, oyo wakacili mu cikungu ca Abrahamu; wakapa kwakkumi, nkambo wakacili mu cikungu ca Abrahamu cindi na kaswaana Melikisedeki. Ndi yanda kuyo kanana ali ceeco ku busena bumwi, cifumo cimwi. *Nguni Oyu Melikisedeki?* Lino amubone eco. Kaindi maningi, Leza wakalizi mulombe oyu kaselemuka. Wa kalizi zintu zyoonse.

⁴⁴ Lino tuli cibeela ca Leza. Lyoonse mbo mwakabede. Tamu ciyeeyi, nkaambo mwakali buyo bube muli Leza. Yebo wakali buyo mu kuyeeya Kwakwe. Zina lyako ndilyonya, ikuti na lyakali mu Bbuku lya Buumi, lya kabikkwa alya kuzwa ku malengelo aa inyika. Wa kalizi obo mbo kabede.

⁴⁵ Nda amba buyo eci, kutali kunyonganya njiisyo, pele kwi ilulamika, kutegwa tuzwe ku kuyoowa aku kuyoosegwa oku.

Tamuzi na kuti nduweni. Tamu kabi, pele lino muli bana ba Leza. Mwabona, lyoonse mwakali bana ba Leza. Mwabona?

⁴⁶ Nkambo cindi Leza naka mujisi mu kuyeeya Kwakwe ku matalikilo, mweelede kuba, cibeela cimwi ca ndinywe, Buumi bwako buli muli nduwe lino, bwa keelede kuba a Leza kakutanaba awo. Ee, cindi Walo, Ka tanaba cibelesyo ano aa nyika, kakutanaba cintu cili coonse, pele Leza, wakali umwi wa bube Bwakwe. Wa kalizi obo zina lyako mbo lyakali kuyooba. Wa kalizi mubala wa masusu ngo kali kuyooba awe. Wa kalizi koonse kujatikizya nduwe. I cintu buyo cakacitika ncindi yebo, mukuba sizibi...

⁴⁷ Bunji bwanu mula konzya—mulakonzya kuba aluswaanano a ndime aa muyeeyo oyu. Cindi nokali mulombe muniini, na musimbi muniini, wakali kunga weenda koonse nkabela kwakali zintu zimwi zyakali kunga zya buyo, awo mpoca takali kuperenzya bana bambi, cakali kuboneka mbuli kuti kwakali cintucimwi muli nduwe caka ompolola. Kwakali Leza kubusena bumwi, nekubaboo wakali sizibi. Mula ciyeyya eco na? Nincobeni. Lino cakali cinzi eco? Eco cakali ciimo eco ciniini ca Buumi muli nduwe kaindi.

⁴⁸ Elyo mpawo kwiinde kaindi, mwakamvwa Makanimabotu. Ndiza wakainka ku cikombelo, wa kabweza eci a ceeco, a kuzwa ku kabungwe kuya ku kabungwe. Pele buzuba bumwi, yebo mukuba cibeela ca Leza, yebo wa keelede kuba cibeela ca Ijwi. Elyo cindi nokamvwa Ijwi, ulizi oko nko kazwa, wakalizi obo bwakali Bwini. Wa kaliko lyoonse, mbuto yakali muli nduwe lyoonse. I Ijwi lya kabona Ijwi eelyo lyakali muli nduwe, eelyo lyakali kuzwa ku malengelo aa inyika, kabona Ijwi nkabela wa kaboola kuli Ndilyo.

⁴⁹ Mbuli kaano kangu ka sikwaze muniini, obo sikwaze muniini mbwa kakonkolwa kunsi lya nkuku nseke. Elyo mulombwana muniini wakeenda a nkuku, walo, nkuku nseke yakalilila, elyo ta kamvwisyu kulila kwakwe. Elyo—elyo nkuku ziniini, zyakulya zyabo nzozya kajisi mu lubuwa lwa mpulazi, ta—ta kamvwisyu eco, nzila mbo bakacita eco. Pele kwakali cintucimwi muli nguwe, cakali kuboneka bwandene kuzwa ku nkuku eyo mboya kabede, nkaambo ku matalikilo wa kali sikwaze. Mbo mbubo. Buzuba bumwi banyina bakasika kumuvwima, elyo, cindi na kamvwa oko kukwiila kwa sikwaze, kwa kali andeene kuzwa ku kulila kwa nkukunseke.

⁵⁰ Elyo nje nzila mboibede a musyomi oonse wakazyalululwa. Yebo inga wamvwa lwiiyo loonse lwa zyabukombi ndo yanda, alimwi loonse lukazyo lwakabambwa aa bantu; pele cindi eelyo Ijwi lya mweka alya, mpawo kuli cintucimwi cijata, ula boola kuli Ndilyo. “Nywebo nomwa kafwide lumwi mu cibi (obo buumi) Wa ka mupononosya.” Ku leelede kuba Buumi kuya bwa kupononosya, lutaanzi. Leza, kwiinda ku kuzibakale Kwakwe,

wakalizi zintu zyoonse. Elyo twa kakanzwa kuba bana balombe abasimbi iba Leza. "Nywebo nomwa kafwide lumwi mu cibi a milandu, omo toonse motwaka jisi ziindi zyesu zyakaindi, pele Wa ka pononosya."

⁵¹ Amulange Paulo, cindi Paulo nakali silwiiyo mupati wa zyabukombi. Pele cindi naka boola busyu ku busyu a Ijwi eelyo, Jesu, lyaka pononosya. Wa kaboola ku Buumi cakufwambaana ncobeni, nkaambo wa kasalwa kuba boobo. I... Wa kali cibeeela ca Ijwi; elyo cindi Ijwi nilya kabona Ijwi, bwakali bupange bwakwe. Koonse kulila kwa nkuku nseke, mu mambungano aa orthodokisi, tii kwaka jisi nguzu ali nguwe; wa kabwena Ijwi. Cakali cibeeela cakwe. Wa kali sikwaze. Ta kali nkuku; wa kali buyo mu lubuwa lwa mpulazi a mbabo. Pele wa kali sikwaze, ku kutalika.

⁵² Nda kamvwa kaano kaniini kakozyenye, Nda syoma taku mvwiki kusanka cintu cisetekene, kujatikizya dakisi liniini kali zyalwa kunsi lya nkukunseke, ciindi cimwi. Ta kakonzya kumvwisya. Ii mulombwana muniini uboneka kusesya, mulombwana uugambya, alimwi ta kakonzya kumvwisya lusuko a zintuzyonse. Ba kali kusobana mu lubuwa lwa mpulazi. Pele buzuba bumwi nkukunseke ncembele yaka solelola twana tuniini kunze lya butala, elyo wa kamvwa bweema bwa maanzi. Ee, wa kaunka ku meenda ayo canguzu mbuli mbwa kali kukonzya kuunka. Nkaambonzi? Ta kalina bede kale ku ciziba. Ta kalinaba mu maanzi. Pele wa kali dakisi, kuzwa kumatalikilo. Cintu cilikke nca kacita cakali caku pempenukwa.

⁵³ Eco nce cintu nciconya musyomi mbwabede. Kuli cintucimwi muli nguwe, eco, cindi aswaana Leza busyu ku busyu, ula pempenukwa. Eyo mbuto ili muli nguwe, alimwi yaka pononosegwa. Ma, mbo mbubo, nkabela ulauluka kuzwa ku zintu zya inyika. Zya kali fwide kuli nguwe. Ma, Nda yeeya, toonse twa kajisi buumi bwesu, kaindi, mu zintu ezyo zya inyika. Pele lomwe twa kajata Cintu eco cini, cintucimwi caka tu pononosya, mbuto niini eyo iboola ku Buumi, mpawo zintu zyoonse zya inyika zyaka bola mpoonya awo. Tee twa kajisi limbi kuyandisya kwa njiyo.

⁵⁴ "Oyo wakazyalwa kwa Leza, taciti cibi. I mukombi wasalazigwa lomwe ta cijisi limbi manjezeezya aa cibi, taacikwe kuyandisya kwa cibi." I mubuzyo wa cibi wamana. Yebo waba cibeeela ca Leza, muli Kristo. Kristo wakafwa ku kunununa.

⁵⁵ Lino amuyeyeye buyo koonse oko nkotwa kabede ikuti nikwaatali Leza. Pele Leza, mu luse Lwakwe luvubide, obo Mbwa tunununa sunumasiku! Ino nekunga tuli kuli sunumasiku ikuti nolwa takali luse lunji lwa Leza kuli ndiswe?

⁵⁶ Cimwi ciindi inyika yakali mu cibi loko, kuti muntu wa kaleta bubi aa nyika kusikila caka bijila Leza akwalo kuti Wa kasola kulenga muntu. I mutwe oonse wakali zilonda ziasama,

mubili oonse, alimwi Leza awalo waka bijilwa kuti Wa kasola kulenga muntu. Aboobo Wa kati, "Ndiyo nyonyoona muntu oyo Ngwe kalenga." Uyo banyonyoona nkaambo ta jisi cintu pele cikama buyo ca bubi.

⁵⁷ Alimwi mukowa onse wabantu niwa kanyonyoonwa ku ciindi eco, pele Leza, uuvubide mu luse, taka lekela batakwe kaambo kuloba nkambo ka milandu. Elyo Wa kazwa a kubamba nzila ipedwe kuli bamwi abo bakali kuyanda kunjila, abo bakali kuyanda kucita eco caka luleme. Walo, wakabamba nzila ya luse kuli baabo bakali kuyanda luse, nkabela Wa kabamba bwaato. Mu majwi amwi, Wa kabikka mababa aali basikwaze Bakwe, cakuti bakali kukonzya kuuluka aatala lya lubeta, a kutanyikila antoomwe a nkuku. Pele Wa—Wa kabamba nzila ya malobokelo, mu mazuba akwa Nowa. Eci caka Mu citya kucita eco, ku cipa, nkaambo Wa kali vubide mu luse.

⁵⁸ Pele Na kamana kubamba nzila ya bantu elyo mpawo bala ikaka, lino, kaambo neco baikaka kuti nkaambo kunyina cintu omuya cakwii tambula. Taakwe cintu cakwii tambula. Baama bakali kunga baamba, "To konzyi kujana bulowa kuzwa kuli ntinde, nkaambo kwiina bulowa mu ntinde." Aboobo ikuti na kunyina ciimo ca Buumi omuya bwaku Li tambula, mpawo Tali konzyi ku tambulwa.

⁵⁹ Ako nkekaambo ba Farisi ncoba kakonzya kulanga moonya mu busyu bwa Jesu, a ku Mwi ita kuti, "Bezebule," nkaambo kwakanyina cintu muli mbabo caku Mu tambula. "Pele boonse Taata mbaka Ndi pa," Wa kati, "bayo boola kuli Ndime." Kuli—kuli nzila imwi mbo ciyo tondezegwa.

⁶⁰ Inga mwaambaula ku bantu ciindicimwi mu tugwagwa, kwaambaula kuli mbabo kujatikizya Mwami, bala sekä moonya mu busyu bwanu. Ee, tweede kucicita, nekuba. Pele amuswiilile, "Taakwe muntu ukonzya kuboola kuli Ndime citakuti Taata Wangu wamukwela lutaanzi." Leza weeleder kucita kukwela. Kweelede kuba Buumi. "Elyo boonse Mba ka Ndi pa, bayo boola kuli Ndime."

⁶¹ Wa kabamba nzila kuli baabo bakalikuyanda kunununwa. Wa kabamba nzila ya baabo bakalikuyanda kuponesegwa. Elyo mpawo nkaambo kakuti Wa kacita ceeci, ku Mu bamba kuba uuvubide mu luse, mbuli Mbwa kavubide lyoonse mu luse. Ci leeleder, ikuti na wakaka Eci, taakwe cintu cisyeede pele Lubeta, nkaambo cibi ceelede kubetekwa.

⁶² Farao, cindi naka njila mu—mu lwizi, mbuli sikulikozyanisya, mukubona kuti wakali kukonzya kunjila mbuli Musa mbwa kacita. Musa a mpi yakwe, a Farao a mpi yakwe, boonse babo ba keelede kuloba mu lwizi, kuboneka mbuli. Pele Leza, uuvubide mu luse, wakabamba nzila yaku lobokela bana Bahebrayo, (nkaambonzi?) nkaambo bakali kutobelwa mu mulimo wa bulizi, bakali kutobelwa mu Ijwi.

⁶³ Lino eyo nje nzila luzutu ya kujana luse, nku tobela malailile ayo Leza nga katupa kuti tu tobele. Eyo nje nzila ilikke Nja konzya kutondezya luse, ndeelyo cindi twa tobela eco Nca kaamba kucita.

⁶⁴ Mbuli kukazyanya kuniini kutali ciindi cilamfu cainda, a mukutausi oyo wakati Nda kali kuyiisya Njiisyo ya buapostolo mu buzuba obuno. Nda syoma Nda ka cikanana busiku na obilo ainda, na ciindicimwi, a nzila mbwa kaamba, “Yebo usola kunjizya, mu bukkalo obu, Njiisyo ya buapostolo.” Wa kati, “I bukkalo bwa buapostolo bwakamana, antomwe a baapostolo.”

Elyo Nda kamubuzya, “Ee, sena ulali syoma Ijwi?”

Wa kati, “Iiyi.”

⁶⁵ Nda kati, “Ciyubunuzyo 22:18 ilaamba, kuti, ‘Kufumbwa muntu uyo gwisya Ijwi lyomwe kuzwa kuli Eli, na kuyungizya ijwi lyomwe kuli Ndilyo,’ kutali buyo mabala obilo; Ijwi lyomwe, kugusya Ijwi lyomwe.”

Kati, “Nda cisysoma eco.”

⁶⁶ Nda kati, “Mpawo Nda konzya ku kwaambila awo bukkalo bwa buapostolo mpo bwaka pegwa, Zilongezyo zya buapostolo zya mpo zyakapegwa ku Mbungano; lino undaambile awo Leza mpa kazigwisya kuzwa ku Mbungano, ku Ijwi. To konzyi kucicita; ta ciko.” Nda kati, “Lino yeeya, kuti Petro, aa Buzuba bwa Pentekoste, wa kali i—sikuzibya wa bukkalo bwa buapostolo. Elyo wa kabaambila boonse kuti, ‘Amusanduke, a kubapatizigwa mu Zina lya Jesu Kristo kuti mujatilwe zibi, nkabela maya kutambula cipego ca Muuya Uusalala. Nkambo cisyomesyo cili kuli ndinywe, aku bana banu, a kuli baabo bali kulaale, abalo boonse Mwami Leza wesu mba yoita.’”

⁶⁷ Lino ikuti na uyanda kuswiilila ku kulila kwa nkukunseke imwi yakabungwe, a kupona kaindi okuya mu zintu zya inyika, mpawo ciinka kutondezya kuti kuli cintucimwi cilubide. Nkaambo, Eelyo ndi Ijwi. “Kufumbwa muntu uyanda, inga waboola.” Elyo ikuti na ujisi kuyandisy, weelede kuboola. Pele ikuti na to jisi kuyandisy, nkokuti uli mu ciimo ca kuusa. Pele ikuti na ujisi kuyandisy kwa kuboola, boola tobela nzila ya Leza!

⁶⁸ Elyo Ta kakilwi kuzulizya eco Nca kasyomezya. Nda kali mukubusyi ciindi cimwi, elyo lino Nda cembaala, Nseno Mu bona kakakilwa mu Ijwi Lyakwe. Nkaambo, Ula konzya kucita cintu cili coonse pele kuta kakilwa. Ta konzyi ku kakilwa. Leza takonzyi. Ta cikonzeki kuli Leza ku kakilwa, elyo kacili Leza. We elede kucita, kucita ceeco.

⁶⁹ Lino mpi ya Farao yakasola kukkopela, nkaambo tiiba kaitidwe alimwi tiiba kajisi Buumi obo. Mu i... I cisyomezyo tii caka pegwa kuli Farao. I cisyomezyo tii caka mupa ku nyika ya cisyomezyo.

⁷⁰ Elyo sikulikozyanisya, kusola kutobela musyomi wini oyo wiitidwe kuli cili boobo, kubamba buyo kusabula kuzwa kuli ncico. Eelyo nde penzi ku ciyanza cesu cabukombi sunu, mbantu banji loko basola kukkopela Muuya Uusalala, bantu banji loko basola kukkopela lubapatizyo, bantu banji loko basola kukkopela bukkalo bwa buapostolo. Mbwa basyomi, alimwi abo balikke. Leza waba bamba nzila, uuvubide mu luse, kutegwa bana Bakwe taba kalobi. Wa kabambila nzila.

⁷¹ Lino, Farao kasola kwaanda, wa kanyikila mu maanzi ngaonya ayo a kafutula Musa a nkamu yakwe. Lino, Musa takanyikila, nkaambo Leza uli vubide mu luse kuli baabo batobela nzila Yakwe yakabambwa. Ameni.

⁷² Sa inga mwa cibona Nce wamba? Kuti, sunumasiku, bantu abo batasyomi mu kuponesegwa kwa Buleza, bantu abo batasyomi mu lubapatizyo lwa Muuya Uusalala, mboobuti mbo bakonzya kutambula cintu cili coonse? Leza uli vubide mu luse kuli baabo bayo Mu tobela; kutali kucilila kayanza kabuzumini, pele kucilila Leza.

⁷³ Leza ndi Ijwi, alimwi Lya kaba mu mibili wabuntu a kukkan akati kesu, lino, kutegwa Ako nzye kuleta bube bumwi bwa Leza. I mibili, Jesu, wakali mibili wa Leza, bube. Musa waka Mu bona kainda, cibeeda casule Lyakwe; taakwe muntu waka bwene busyu Bwakwe. Pele lino twa ka Mu bona, twa ka Mu langilila, ku Mu bona mbuli Cituuzyo. Lino, mwabona, Wa kali bube bwa Leza, kabu tondezegwa, Ijwi. Obo mbombubo Mbwa kabede.

⁷⁴ Elyo cindi musyomi uuli oonse aboola kuli Leza, uba bube bwa Leza ibwa Ijwi Lyakwe, ula belesegwa kuyubulula Ijwi eelyo lyaka syomezegwa ku buzuba obo. Mwabona? Mbo mbubo. Leza, uuvubide mu luse, tana tusiya kakutakwe bumboni. Uli vubide mu luse.

⁷⁵ Tula jana lino kuti Leza wakali siluse loko kuli Musa okuya mu lwizi olo lufwide, kubusena bwamu Lwizi Lusalala okuya, mubwini. Mpawo cindi Na kaamba awa, mu Kulonga 19:4, Wa kati, "Nda ka mubwezelaa aatala lya mababa aa basikwaze, kumuleta kuli Lwangu. Kababwezelaa aatala lya mababa aa basikwaze, a ku muleta kuli Lwangu!" Kwakali bantu bambi aakati ka lwizi olo kubusena okuya, abalo, kabsola kukkopela. Pele ninzi? "Wa kababwezelaa aatala lya mababa aa basikwaze."

⁷⁶ Lino Leza lyoonse ula bakozyanya basinsimi Bakwe kuli basikwaze. Elyo ino cakali cinzi? Musa wakali mutumwa Wakwe. Elyo bakali kutobela Musa, nkabelaa ayo akali mababa aa basikwaze ayo nge kabanymwida, nkaambo wa kabwezedee mulumbe wa Leza. Alimwi bantu bakali tobela oyo. Ba kali kutobela Leza mbuli mbo bakatobela Musa a mulumbe Wakwe wa lwaanguluko. Elyo Bbaibbele lya kaamba cuti, "Walo, tee bakaloba antomwe abaabo bata kasyoma." Nkaambo, Leza

wakali vubide mu luse kuli mbabo, nkaambo bakali kutobela milao Yakwe. Leza uyanda kuti tu tobele milao Yakwe.

⁷⁷ Inga twaamba mbubonya kujatikizya Kora a kujatikizya Datani a zigebenga zyabo zya bantu bata kali kusyomi, mbuli mbo bakasola kukkopela. Ba kali kusola kunyonganya cintucimwi mu mabambe aa Leza. Teeba kali kwa yanda mabambe aa muntu omwe. Teeba kali kuciyanda cili booboo. Ba kayanda kuba a cintucimwi cakucita. Kora wakati, “Baa, kuli bantu banji basalala kwiinda nduwe, Musa. Uli lemeka mbuli kuti uli nkowmwe ilikke aa i...na bbwe lilikke aa nkowmwe, mubwini.” Elyo kati, “Ndi—Ndi...to elede kucita ceeco. Elyo kuli bantu bambi okuno.”

⁷⁸ Elyo Musa wakalizi kuti wakeelede kutola bana abo bana kulandukila mu nyika ya cisymezyo, nkaambo cisymezyo caka pedwe kuli nguwe. Elyo wa keelede kubatola ku nyika ya cisymezyo.

⁷⁹ Elyo, asunu, Muuya Uusalala uli waano ku kusimpikizya Ijwi lya Leza, elyo ndi bbaba lya sikwaze ndyo tweede kutanta; kutali lwiyo lumwi lwabukombi lwa kabambwa aabantu. Pele tweede kutanta aa mababa aa sikwaze, kuya ku Nyika ya cisymezyo.

⁸⁰ Elyo mpaawa bakali kuunka kuyo jana cikama ca nkuku okuya, Kora wakayeeya, nywebo mulizi, kaboola koonse, kukkopela oyu, sikwaze. Elyo cindi niba kacita, Leza wakati, “Lyandaanye lwako kuzwa kuli mbabo,” nkabela Wa kabamenya mu inyika. Na kamenya cintu coonse, bulenge boonse, pele Leza wakali vubide mu luse kuli baabo bakali kusola kutobela Ijwi Lyakwe. Lyoonse, Leza uuvubide mu luse. Bunji bwabo bakasika ku lubazu lwa Musa, nkabela Leza wakajula nyika nkabela wakamenya sikutasyoma. Walo, i—i sikutasyoma, lyoonse uyo loba.

⁸¹ Abo bata kasyoma, nekubakuti bakazwa a kweenda kwa kaindi kaniini, pele, balo, Jesu wakati, “Balo ba, boonse, balifwide.” *Kufwa* nku “nyonyooka cakumaninina.” Balo balifwide. Amu bayeeye buyo. Ba kazwa, bakaabona maleele aa Leza, kalibona janza pati lya Leza, katanganila mana; a kuba awo a kuswiilila ku muntu wakaulikidwe kuti Balamu, eyo waka pilinganya nzila ya Leza, kwiinda ku kuyiisya kwakwe kwiimpene ku Ijwi, “Toonse tuli babunyina, aboobo toonse atu boole antoomwe.”

⁸² Eco nciyanza cimbi ca Balamu cibuka, sunu, “Atu boole antoomwe toonse.” Ta cika beleki. Atwe ende a Sikwaze, Jehova Sikwaze. Muli tusikwaze twana.

⁸³ Kwakali biyo botatwe bakafutuka kuzwa ku nkamu yoonse; Musa, Kalebi, a Joshua. Bamwi babo bakaloba mu nkanda; Jesu wakaamba booboo, mu Musalali Johane capita 6. Leza, mu luse, takali kuyanda kubalekela kuloba, nkaambo, antoomwe abamwi

batasyomi. Boonse bakafwa moonya omuya mu nkanda, nkabela balo balifwide. Leza waka futula Musa a basyomi basikwaze, nkaambo kakuti baka jisi bulemu ku Ijwi Lyakwe.

⁸⁴ Elyo asunu, mweenzuma, nzila biyo njo tukonzya kusola kujana luzyalo kuli Leza; Leza uli vubide mu luse, sunu, pele tweelede kulemeka eco Nca kaamba kujatikizya ncico. To konzyi buyo kubweza eco muntuumwi umbi nca kaamba. We elede kubweza eco Leza nca kaamba. Wa kati, “Akube kuti ijwi lya muntu lyoonse libe lya bubeji, nkabela Lyangu libe lya bwini.”

⁸⁵ Sunu twa kaambilwa kuti, “Koonse nkoelede kucita,” mu masena manji, “nkusangana mbungano, kuba akayanza kabuzumini, na cintucimwi mbuli ceeco; na kwaamba mupailo, na kulembya zina lyako mu bbuku, na kuba sansailwa na kubapatizingwa nzila imwi, na cintucimwi mbuli eco. Nku koonse nkoelede kucita.” Pele eco kuli lubide.

⁸⁶ Kuba sikwaze wa Leza, weeleded kutobela Ijwi, buzuba a buzuba. We elede kuzumanana, kulya aa Ijwi.

⁸⁷ Lino tula bajana, kumane ciindi eci, katongauka alubo, baka kompama mu lusyomo, Leza nakamana kutondezya luse kuli mbabo. Elyo tula bajana kabatongaukila Leza, alimwi, cindi niba kacita, bakali kufwa ku kulumwa kwa nzoka. Ee, kwa kabeelela. Ba kacita ncobeni. Kufumbwa muntu oyo unga walubizya Ijwi lya Leza a kucita zintu ezi nzo bakacita, ule elela kufwa. Umwi aumwi wabo wakayanda, wa keelela kufwa mu nkanda.

⁸⁸ Pele cindi niba kacisidwe-loko cakuti awalo mwiiyi Musa alimwi taakwe wabo wakali kukonzya kucita kufumbwa cintu kujatikizya ncico, alimwi bakali kufwa kwiinda ku zyuulu; pele Leza, uuvubide mu luse, Wa kabamba nzila ya kulobokela kuli baabo bakali kuyo Mu syoma. Wa kabamba cintu cigusya cilwazi, kwinda kukusumpula nzoka ya mukuba. Leza mu buvubi Bwakwe... Leza wakabamba nzila ya kulobokela kutegwa bana Bakwe basyoma bakonzye kuponesegwe.

⁸⁹ Leza ula bikkila maanu mu zintuyonse zilubide, zintuyonse nzo mulangila mo. Bweenda boonse bwa buumi, Leza ulaku bikkila maanu. Uli mwana Wakwe, alimwi Uli vubide mu luse. Walo uyanda ku kucitila.

⁹⁰ Bantu bakabisya kumane, kwiinda ku kubweza cintu eci nciconya eco Leza nca kabambila mulungo, kwiinda ku nzoka ya mukuba, yakali kutondezya kuti cibi cakabetekedwe kale, elyo bakali kukomba cipego eco. Elyo baka bisya alimwi. “Leza takaabani bulemu Bwakwe a muntu uuli oonse.” Nkikaako, ta tukonzyi kuba a baleza bobile, botatwe, bone. Kuli biyo Leza omwe. Ta kaabana bulemu Bwakwe a cintu cili coonse cimbi. Ngu Leza, alikke, mwabona; aboobo mbuli bahedeni mbo bajisi tuleza tunji. Tu jisi Leza omwe, alimwi Ta kaabani bulemu Bwakwe aumwi pe, naanka kuti Ta kalekeli cintu cili coonse

kuba mutuni kumbele Lyakwe. Nekubakuti Wa kabambilila bantu mulungo, alimwi lyakali Ijwi lya Leza, wakali luleme; pele cindi niba katalika kukomba mutuni oyo, mpawo baka njila mu penzi.

⁹¹ Lino eco ncintu nciconya buyo, Ndi yeeya kuti, eco caka citika ku makkalo esu aa mbungano. Leza waka tutumina mulumbe wa Martin Luther a mulumbe wakwe, John Wesley, mulumbe wa pentekoste, pele ncinzi nco twa kacita a nguwo? I cintu nciconya ncoba kacita a nzoka eyo ya mukuba, twa kaukomba, “Ndi zulilwa kuli *eyi*, alimwi Ndi zulilwa kuli *eyo*.” Nywebo mwabona, muzulilwa ku cintucimwi kakutakwe kusinizya oko kuswaangene a kukomba kwini kwa buleza ikwa Ijwi.

⁹² Ncinzi cakacitika? I Bbaibbele, twa kaambilwa mu Bbaibbele, kuti, “I musinsimi wakabweza mutuni oyo a a kuunyonyoona.” Aleluya!

⁹³ Neo tu yandikana aa cilao sunu musinsimi oyo uyo nyonyoona mutuni wa tubungwe, abo bayeeya kuti baunka ku Julu aa kuzulilwa ku kayanza kamwi kabuzumini na kabungwe; uyandikana kunyonyoonwa a kuumpwa, aku sowegwa. Leza uwzide luse. Uli vubide mu luse. Mu buzuba obo toonse cindi nitwa kalinoba mu lupyopyongano olo lwa mudima okuya, pele Leza, uuvubide mu luse, watu tumina Muuya Uusalala wini, a bupanduluzi Bwakwe Mwini kuli Nguwo, mooonya omuno mu buyake busiku abumwi. Leza, uuvubide mu luse Lwakwe, obo mbotu Mu jana kuba mubotu! Iiyi, munene.

⁹⁴ Lino koonse nko bakali kuyeeya nkuti bakali kukonzya kucita nkuunka buyo ku nzoka eyi, na eci cintu ciniini eco Leza nca kabamba okuya, waka citya Musa kubambaaku caanzika aatala lya poolo, elyo bakali kukonzya kuponesegwa kakutakwe kusinizya kumwi. Ba kaimikila buyo a kwiilanga. Elyo ba katalika kwii komba, elyo Leza wakatuma musinsimi ambali a kwiinyonyoona.

⁹⁵ Lino, boonse abo baakaka kulanga ku nzoka eyo mu nkanda, ba kanyonyooka. Lino Leza wabamba nzila, pele ikuti na wakaka kwii langa, ikuti na wakkala mu kagwagwa, ikuti na uyo jatilila ku kayanza kabukombi a kukaka kulanga cigaminina mu Ijwi a kubona naa Lili luleme na pe; boonse abo baakaka kulanga, ba kaloba. Elyo Leza tali Leza uusanduka. Elyo boonse abo baakaka kulanga, bakaloba. Mbo cibede asunu, cintu nciconya.

⁹⁶ Mpawo bantu bakabisya kumane, alimwi mbuli mbo bakacita lyoonse, a kupanga mutuni kuzwa kuli—kuzwa kuli ncico, ku cibamba ii—ii—ii...kujana, kusola kujana kuponesegwa kakutakwe kusinizya, alimwi ba “kali kuzulilwa ku cintucimwi,” alimwi nje nzila mbo tucita asunu. Elyo lino tula bona mpawo, lwandaano lwa ncico, lwakali, kuti Leza . . .

⁹⁷ Wa kali mulungo mubotu a citondezyo cibotu ku ciindi eco. Ciindi eco, cakali kabotu. Pele wa kali biyo wa ciindi eco, wa lweendo olo. Nku koonse nko wakali kuyo belekela, *olo* lweendo.

⁹⁸ A mulumbe oyo Martin Luther ngwa kaleta, wa kululamikwa, wakali kabotu ku bukkalo bwa Luther. Oko nkuciimo mbuli mbo wakaunka.

⁹⁹ Kusalazigwa kwakali kabotu mu bukkalo bwa Wesley. Oko nkuciimo mbuli mbo kwakaunka.

¹⁰⁰ Mpawo twa boola mu bukkalo bwa pentekoste. Elyo kuboozezya kwa zipego ncintu cibotu loko, cakali cibotu mu bukkalo, pele tuya kwiindilila ceeco lino. Twa indilila kuli ceeco, masimpe buyo mbuli mbo kuli inyika. Twe elede kwiindilila cintu eci, nkaambo twa kacita cintu nciconya a ncico eco nco bakacita kale, kupanga mutuni kuzwa kuli ncico. “Ndi zulilwa ku bubambe buli *obu* ya ncico, Ndi zulilwa ku bubambe buli *obo* bwa ncico.”

¹⁰¹ Leza uyo tuma muntuumwi uyo mwaya cintu a kucizapaula mu tubeela, a kutondezya Ijwi Lyakwe, Ijwi lizwide. Amubone. Alumbwe Leza! Lino tula bona kuti obo mbwini. Leza, uuvubide mu luse Lwakwe!

¹⁰² Mpawo cindi musinsimi naka nyonyoona ceeci, waka basiya kakutakwe ciiminizyo cimwi ca kuponesegwa, ca mulungo, nkaambo mutuni wabo waka nyonyoonwa. Pele Leza, uuvubide mu luse, waka babambilu umwi umbi. Elyo ncinzi Nca kacita, eco? Wa kaselaula maanzi ku ciziba caku tempele, nkabela banji bakasika a kuponesegwa, kwiinda mu kunjila mu maanzi aya. Jesu wakaselukila ku ciziba eci nciconya, a kubona muntu oyo wakali lede awo kwa myeelwe ya myaka, kalindila kuselauka kwa maanzi. Mwabona Leza, uuvubide mu luse! nekubakuti baka cikomba cintu eci, nekubakuti musinsimi wakacita ku cimwaya, Leza wakabamba nzila imbi kuli mbabo, nkaambo Uli vubide mu luse. Walo uyanda kuti baponesegwe, alimwi Wa kabamba nzila ya kuponesegwa kwabo.

¹⁰³ Lino, mpawo eco caka zumanana, nyika yakaba yacibi loko alimwi yacibi loko, ciindi coonse. Elyo kumalekelo inyika yakaba yacibi loko cakuti Leza nakakonzya kwii nyonyoona, Wa kati muli Malaki 4, “citakuti Nda boola a kuuma nyika kubelesya lutuko.” Na kakonzya kucicita; mubuzyo buyo.

¹⁰⁴ Pele mpawo Leza, uuvubide mu luse, Wa katuma Mufutuli, Jesu Kristo. Wa katuma Jesu kuba Mufutuli a musilisi. Nkambo Wa kati, “Mbili Musa mbwa kasumpula nzoka ya mukuba mu nkanda, mbubonya Mwana wa muntu mbwaya kusumpulwa,” ku bukanze mbubonya. Walo, mulungo, nce ncico ncotu taminina ali ncico, taakwe cita mulungo. Eco Jesu nca kaula a Bulowa Bwakwe, nce ncico nco tu taminina ali ncico. A Bbaibbele lyakati, “Wa kayaswa nkambo ka nsotoko zyesu, Wa ka cuzaulwa nkambo ka milandu yesu, kukomwa kwa luumuno lwesu

kwakali ali nguwe; elyo ku mibunda Yakwe twa ka ponesegwa.” Nce ncico nco tukonzya kutaminina, nkaambo oyo ngo mulungo, ngo twiiminina, waka tuminwa ndiswe. Leza, uuvubide mu luse!

¹⁰⁵ Oyu wa keelede kuba mulungo Utamani, nkaambo Wa kaboola Mwini. Leza wa boola Mwini, mu ciimo ca mubili wazibi, ku kubamba ii—ii—ii mulungo Utamani; a kupenga mu mubili, a kubamba mulungo; a kubweeda mu ciimo ca Muuya Uusalala, ku ku kusimpikizya mulungo oyo. Oko kutakwe nzoka ya mukuba na meenda aakuselaulwa nkwaakali kukonzya kucicita, coonse cakali kutondeka ku Mulungo oyo uulondokede. Leza, uuvubide mu luse Lwakwe, wacita ceeei.

¹⁰⁶ Lino, sunu, mukuba buzuba mbo tuponamo, twa kainda mu makkalo aya aambungano a kupandulula zintuzyonse kuzwa kuli Ceeco. Basilwiyo besu babukombi ba buzuba bali sweekede kulaale ku lubazu olo lwa Ndilyo. Ba Li pandulula kutabko, ku buzuba bumwi bumbi, bukkalo bumwi bumbi, cintucimwi cimbi, kaindi loko, kuzwa ciindi cilamfu cakainda. A kunesegwa kwa Buleza kwa katandila kumana, taakwe umwi wakajanwa wakali kuno kusyoma. Ba ka kuseka. Kutali buyo kutandila kwiinda myaka iili makumi obile yakainda, bakali ku kuseka. Iba Pentekoste bakali zwide loko kuli nkuko mubwini. Ba katalika mu mazuba mataanzu, pele bakali zwide kuli nkuko.

¹⁰⁷ Amulange nzila mbo bakacita. Lino ba jisi kupilingana kwatubungwe, kuyabuya kubamba kamwi kayanza kabuzumini, azimwi zimbi. Citakuti, mibusena bwa kutambula Mumuni, mbuli Mumuni mbo waka njila; ba kapanga kabunga a kulibamba beni tuyanza twabuzumini, umwi aumwi kaboola koonse, kalibamba mwini njiisylo a kukkala mu njiisylo eyo. Elyo mpawo ba kabwezwa loko kusikila Muuya Uusalala tiiwa kakonzya kunjila mu mbungano. Ba kaba buyo mutuni uumbi mbuli nzoka ya mukuba, bwa kaba i—i bukombi bwamituni. Mulombwana oonse wakati, “Ndi zulilwa kuli *eyi*, alimwi Ndi zulilwa kuli *eyo*.” Bwakali bukombi bwa mituni. Ino ndupilingano motwa kabede, ku ciindi camamanino.

¹⁰⁸ Pele Leza, uuvubide mu luse Lwakwe, wa katuma Muuya Uusalala kujoka aali ndiswe, a kusimpikizya Ijwi Lyakwe sunumasiku mbuli Mbwa kasyomezya cuti Uyo cita. Leza wakasyomezya cuti Uyo cita zintu ezi. Amulange eco Nca kacita!

¹⁰⁹ Amulange eco Nca kacita, nzila lino mbo tukonzya kubona nzila Mbwa kasyomezya bukkalo abumwi cintu cimwi kucitika. Elyo tu jana cuti caka citika mbubonya buyo mbuli ncico, eco Nca kaamba cuti Uyo cita, nkaambo Uli vubide mu luse Lwakwe, lyoonse kuba a luse lwa kuzulizya Ijwi lyoonse eelyo Ndyia kasyomezya. We elede kucicita, alimwi lyoonse, kutegwa akkale kali Leza. Lyoonse Ula cita eci, Ijwi Lyakwe lyoonse lila boola kucitika mu ciindi Calyo. Mbuto Yakwe eyo Nja kaminza

mu nyika. Ino Wa kacita nzi? Wa kaibikka omu mu Ijwi, nkabela eyo ni mbuto. Elyo ciindi coonse bukkalo bwa boola kuba, eyo mbuto ila bizwa, elyo mpawo lubambululo lula yutuka. Alimwi Wa kaisyomezya, nkabela ila cita eco.

¹¹⁰ Lino tii twa keelela ku zintu ezi. Tii twa keelela kuli zeezi zilongezyo zya Leza, nkaambo twa kazwa kuya butobel a zintu zya inyika, aku njila mu bulubizi bwa Kaini. Kaini, kayaka cipaililo cibotu a mbungano mbotu, a kubikka malubaluba ali ncico, a kuyeeya kuti obo mbo caka keelede kuba ncobeni, “Ca kali cikama ca maapele na mapear, na mapomegranati, na kufumbwa mbo cakabede,” ayo bawisi a banyina ngo bakalya mu muunda wa Edeni, ayo aka batandila anze. Elyo aboobo wa katuula eco kujokela kuli Leza, nkabela Leza waka cikaka.

¹¹¹ “Pele Abela ku lusyomo wakatuulila Leza cituuzyo cibotu kwiinda ca Kaini.”

¹¹² Elyo, asunu, Bbaibbele lyakaamba muli Judi, kuti, “Balo beenda mu nzila ya Kaini; kaloba mu kukazya kwa Kora.” Mwabona, “keenda mu nzila ya Kaini,” kabayaka zipaililo, kabayaka mambungano, tubungwe, ku tubamba kweebeka, kukomena, mamembala manji kwinda bamwi babo; kunjizya zintu, kufumbwa cintu eco cakasika ambali aceeco cakasotoka mujulu aansi, na kusukana maanza, na kabbizigwa munzila imwi, na kwaambaula mu myaambo, na kuzuzila mu cibuye, baka bikka mazina abo mu bbuku. Mbo mbubo. Elyo mpawo amujule Bwini bwa kasimpe obo bukambaukwa, a ku Bu kaka. Mbobuti mbo bunga bwaba mbubo? Amubone obo kunyongana mo twa kabede! Amubone.

¹¹³ A Bbaibbele lyakati, “Elyo baka njila mu nzila ya Balamu, a kuloba mu kukazya kwa Kora.” Kaloba mu kukazya! Ino kwakali kukazya nzi kwa Kora? “Baa, uyeeya kuti uli muntu oliske uusalala? Baa, Leza uli... Toonse swebo tula salala. I mbungano yoonse ili kabotu. Toonse... Toonse swebo tula boola antoomwe, nce ncico nco tweelede kucita.” Mpempawo mpo bakalobel awo. Alimwi nincobeni cakali kutweelela kuli ndiswe. Twa keelela kuba boobo.

¹¹⁴ Pele Leza, uuvubide mu luse, waka tusomona kuzwa ku lupyopyongano olo a kutulekela ku cibona cintu ka citanauma awa. Uuvubi mu luse Lwakwe, a ku tujosya ku lubukulusyo lwa kuponesegwa kwa Buleza, a kuboola alubo kwa Nguzu zya Leza. Kweendelana ku makani aakale, kwiina lubukulusyo lwakasola kutola kwindilila ku myaka yotatwe. Olu lubukulusyo lwatola myaka ili kkumi ayosanwe, lwalli kuyasya mililo, koonse a koonse ku inyika. Nkaambonzi, nkaambo twa ka tweelela? Leza, uuvubide mu luse Lwakwe, kutali kaambo kakuti twa kaluyanda na nkaambo lwa ka tweelela, mubwini. Amuyeeye buyo eco nco lwacita!

¹¹⁵ Ndi yeeya kuti umwi wa bacizi banu moonya omuno mu Phoenix, oyo nobanji ngo muzi, Muka. Hattie Waldrop, waa kajisi kkulenge lyaku moyo. Elyo waa kali mu mundando wa mipailo kutala okuno cindi Mukwesu Moore a Ndime ni twali okuno ciindi citaanzu, kutandila myaka ili kkumi ayosanwe, kkumi alusele yakainda. Elyo waa kali kufwa, ku kkulenge lyaku moyo, alimwi waa keelede kuti kafwide kwa ciindi cilamfu kaindi. Pele Leza, uuvubide mu luse, wakatuma Nguzu Zyakwe ali nguwe. Elyo Wa kafutula buumi bwakwe, alimwi ulapona sunu. Leza uuvubide mu luse!

¹¹⁶ Mwiiminizi wa mung'anda ya milawo Upshaw, muntu mulemu. Ndi yeeya kuti wa kali mwendelezi, na cintucimwi, wa-wa Baptisti, Muswaangano mupati wa Baptisti wa Kumusanza, ku ciindi cimwi, na mwendelzi wabili na cintucimwi. Wa kacita zyoonse. Wa kali muntu uli kabotu. Wa kacita zyoonse nzya kazi kucita. Wa ka luunkide kuli dokotela aumwi. Taakwe muntu wakali kukonzya kumu citila cintu. Wa kali angidwe. Bakutausi baka mukombela. Wa kacita kutilwa galoni lya mafuta aa mutwe wakwe, bunanike, ku bakutausi bandeene koonse.

¹¹⁷ Busiku bumwi, mu Los Angeles, California, katanta aa cikambaukilo, lange nkamu ya mawhilucceya kutandila kuba zyobilo, ziindi zyotatwe, kuli eyo iikkede awo, koonse akoonse mu tuzila, munzila zyonse. Alimwi mpawo kwa kabikkidwe kalo alya kakajisi musimbi muniini usiya muli nkako, musimbi muniini waci Negro, elyo banyina bakwe—bakwe bakali kkede munsi lyakwe. Elyo mukwesu wangu wakali kubamba mundando wa mipailo.

¹¹⁸ Elyo Nda kali kulanga, mukutaziba eco cakali kucitika. Elyo Nda kabona dokotela, kajisi magilazi acipapa ca nondo, kapandula musimbi muniini waci negro, nkambo ka cilwazi ca kameneno, alimwi waa kali lebukide. Elyo Nda kalanga koonse, Nda kayeeya, “Uli kuli mwana?” Nse kakonzya ku mubona.

¹¹⁹ Kwiinde kaindi, kunselelo okuya kwini, taakwe bulangizi, musimbi muniini mubotu wakal kutandila myaka ili ciloba na lusele yakukomena, kalebukide buumi bwakwe boonse. Elyo mpaawo kwakali banyina anselelo alya ku mazwi abo, kabakomba. Mpawo Nda kati, “Oyu dokotela wakapandula musimbi wako muniini,” a kusandulula.

Waa kati, “Mbo mbubo, munene.”

¹²⁰ Mpawo waa kasola kuleta muvwanda ku cibumbili. Ba kamwaambilka kuta cicita. Ba kasola ku muumuzya. Kutandila ciindi nibaka muumuzya, Nda kayeeya, “Ee, tula jana ciindi ca kumu kombela.” Mu maminiti masyoonto...Ndiza bantu mpoonya awa bakaliko busiku obo.

¹²¹ Elyo Nda kali kulanga okuya ku bbunga, Nda kabona musimbi oyo muniini kaselemuka, kulanga mbuli mu ii—ii

mugwagwa muniini uumanikide, kajisi cidooli mu mabobo akwe, kazumbaanya cidooli eco. Takukwe makani obo kunji dokotela mbwa kaamba kuti uyo lebuka buumi bwakwe boonse; Leza, uuvubide mu luse, waka selusya Muuya Uusalala, kwiinda ku cilengaano, alimwi musimbi oyo muniini wakaimikila kuzwa awo, elyo walo a banyina baka jatana maanza a kweenda kuselemuka kwiinda mu kazila ako, kabalumbaizya Leza.

¹²² Kusule kwini kwa kakkede mudaala, Mwiiminizi wa mung'anda ya milawo Upshaw, bunji bwanu mulibuzi bumboni bwakwe. Wa kali muntu uli kabetu, wakasola mu buumi bwakwe boonse, myaka ili makumi ali cisambomwe acisambomwe kali mu whilucceya, kantontwa mu bulo; makrachi kunsi lya maboko akwe, nga kali kubelesya kweenda, kuti takeenda limbi kabetu. Elyo mpaawo wa kakkala awo, kalanga ali ceeco. Elyo mpoonya biyo, Nda kalangalanga a kubona cilengaano. Ngooyu waboola, keenda kuselemuka atala lya nkamu eyo, ka kotamika mutwe wakwe, ka konzya kweenda kabetu mbuli muntu uuli oonse. Nse kamuzi mwaalumi kuti wakalini.

¹²³ Nda kati, "Kuli mwaalumi mulemu ukkede kusule okuya. Wa kawa kuzwa mu cikocikala cindi nakali mulombe muniini, kuwida a fulemu ya cikociksla ca bwizu bwa banyama, nkabela wakatyola musana wakwe. Ba kadonkola tupulo mu cibuye, ku kubamba kunzwiima, cindi bantu niba keenda, kuzwa ku kuumaua ku musana wakwe." Nda kati, "Waka ba muntu mulemu, alimwi ula zumanana kusumpuka maningi. Uli kkede mu mubalo mupati ku Ng'anda Iituba."

¹²⁴ Elyo mpawo oyu mwaalumi wakasika a ku ndaambila, kati, "Oyo Mwiiminzi wa mung'anda ya milawo Upshaw. Sena wakasola kumumvwa?"

Nda kati, "Nsena mu mvwide."

¹²⁵ Elyo aboobo wa kabamba maikki niini ya kununga kusule okuya nkabela bakali kwaambaula, munzila zyoonse.

¹²⁶ Mpawo Nda katalika kulanga koonse, elyo Nda kamubona Mwiiminizi wa mung'anda ya milawo, kaboola, keenda kuli ndime, mu cilengaano, cakulondoka buyo a mbuli mbwa kali kukonzya kuba kabetu. Leza, uuvubide mu luse, kamukwela kuzwa ku whilucceya eyo, elyo wa keenda katakwe makkirachi kusikila buzuba mbwa kafwa. Leza uuvubide mu luse! Cindi madokotela noba kakakilwa, cindi sayaansi niya kakakilwa, cindi zintuzyonse zimbi nizya kakakilwa, Leza wakali vubide mu luse ku Mwiiminizi wa mung'anda ya milawo Upshaw.

¹²⁷ Nda yeeya lwangu. Mbuli mulombe muniini wakaindi, Nda yeeya mbuli...Bantu sunu bandiita kuti, "sikusulaika banakazi." I kaambo kakali kakuti, nkaambo Nda kabona bwaamu bunji loko kuzwa mu banakazi cindi Ne kali mwana. Nda kaba sulaika. Elyo Nse citi ceeco lino, nkaambo Ndi lizi kuti kuli bamwi babotu. Pele Nda yeeya mbo cakali cibyaabi

loko, bwaamu loko. Elyo Nda kayeeya, "Ma, Nse—Nse nooliko kubusena oko bantu nkobabede. Nse jisi lwiiyo, aboobo Nse kajani umwi."

¹²⁸ Elyo mwana muniini wakale kakkede alya, kata samide neliba shaati, a bbaki lyangu kali sumidwe mbuli *boobu*, kubelesya pini wa matebelia, alimwi kwali kupya loko. Elyo mwiiyi wakati, "William, sa tomvwide kupya a bbaki eelyo ndo samide?"

¹²⁹ Nda kati, "Peepe, baama, Ndi mvwide mpeyo aniini." Elyo waa kandi citya kuya ku stoovu a kubikka nkuni mu stoovu, elyo Nda kali kutandila kuumpwa. Elyo Nse—Nse kajisi shaati muciindi eco coonse.

¹³⁰ Elyo Nda kayeeya, "Ikuti na Ndi kakonzye kusola kujana mali, ciindi cimwi Njo konzya kujana maniini, ku lyuulila raifo ya theeti-theeti," Nja kuboola Kumbo okuno a kukkala kokuno a kuvwima, ku buumi bwangu boonse. Nse kali kuyanda cintu cakucita a bantu. Kutantamuka buyo, nkaambo teeba kali kundi yanda, elyo—elyo Nda kali kuyanda buyo kuba tantamuka.

¹³¹ Elyo mpawo ciindi coonse Nda kali kunga ndaunka ku musika mupati wa dolopo, kuyoambaula ku muntu uuli oonse, kubona balombwana bamwi mu tugwagwa, Mbe kazi. Nda ali kunga ndati, "Kwaamba oko, John, Jim! Uli buti?"

"Oh, kwaamba."

¹³² Mwabona, tiiba kali kuyanda kwaambaula kuli ndime, teeba kali kuyanda cintu cakucita a ndime, nkaambo ka bataata a baabo bakali kukondola mawhiski. Kwalo Nse—Nse kacicita ceeco. Taakwe cintu Nce kacita. Elyo ni Nda kaba musyobo oyo.

¹³³ Pele lino Nda kati ku mukaintu wangu, kutali ciindi cilamfu cainda, "Bulambo bwangu bubbatikidwe ntobolo zibotu maningi zikonzya kuulwa." Oh, elyo Ndi yeeya kuti zisani zyakaindi zyatombé. Sunumasiku Ndi jisi nsuuti zyobilu na zyotatwe zibotu. Elyo kwina beenzuma? Nde elede kulisisa mu nkanda, kutantamuka kuzwa ku bantu. Ino ndipenzi nzi, nkaambo ka bube bwangu bwabuntu, nkaambo ka lwiiyo lwangu? Peepe. Leza, uuvubide mu luse, waka ndibona mu ciimo eco nkabela Wa kandi futula.

¹³⁴ Ndali yeeya mu kusololelwa ku maboko, mbuli muntu moofu. Nse kali kukonzya kubona. Zintuzyonse kumbele lyangu tee zyakali kulibonya kabotu; Ne kofwaala buumi bwangu boonse. Pele Leza, uuvubide mu luse, waka boozegwa ku kubona kwa meso angu. Ndili a myaka iili makumi osanwe ayosanwe yakukomena, nkabela ndi cijisi ku kubona kubotu. Leza, uuvubide mu luse, nce cintu cilikke eco Nce konzya kwaamba.

¹³⁵ Cimwi cindi mbungano tiiya kajisi nzila ya kuponya. Ba kali jisi cimwi ciindi, pele ba kaikaka. Pele Leza, siluse kapati,

waka batumina cipego ca kuponesegwa kwa Buleza. Oyo Muuya Uusalala akati kesu, kausimpikizya Ijwi a zitondezyo kazitobela. Leza siluse kapati!

¹³⁶ Ndi jisi mapeegi obilo na otatwe awa aa bulembu obu, pele Nseko sola kwaaguma, nkaambo Nda—Nda tweluka kuti citandila kuba ciindi caku katalika mundando oyo wa mipailo. Pele Leza uuvubide kapati mu luse Lwakwe!

¹³⁷ Bunji bwanu okuno sunumasiku, madokotela baka mukaka. Kuli bantu bakkede mu ma whiluccheya, antela taba kazwi omuya. Bali waalya kukkalilila. Bamwi babo, kabalebuka munzila zyaandeene, tee (taba kakonzyi) baka konzya kuzwa, kwiina nzila kuli mbabo ya kuzwa. Pele Leza, uuvubide mu luse Lwakwe, wa kapa mulungo. Muta ukaki. Amu utambule. Kuli baalumi kumasena okuya bajisi mapenzi aku myoyo, kuli bantu bajisi makkulenge, cakuti madokotela taba konzyi kucita cintu a ngawo. Tamu jisi bulangizi, akuta ligwasya, mu inyika eyi.

¹³⁸ Pele Leza, uuvubide mu luse Lwakwe, wa katuma Muuya Uusalala ansi, alimwi uli mpoonya awa lino kausimpikizya Ijwi, kutondezya kuti Ngu mbobuca nguwenya, sunu, amuya myaaka. Nkaambo tu leelede kuli nguwo? Nkaambo Leza uli vubide mu luse Lwakwe! Ameni. Lino oyo ngo Nguwe, oyo ngo Muntu, Ngu Mwami Jesu oyo. Ta fwide, pele Wa buka kuzwa ku bafu, alimwi Ula pona kwalyonse.

¹³⁹ Ngu mbobuca nguwenya, sunu, amuya myaaka, kali vubide buyo mu luse Lwakwe mbuli Mbwa kabede ku mwanakazi oyo waka jisi cilwazi cakuzwa bulowa. Elyo waa katalika kwiinda mu nkamu ya bantu. Kwakanyina bulangizi kuli nguwe, bamadokotela bakali citide coonse nco bakali kukonzya kucita. Waa kajisi cilwazi cakuzwa bulowa. Waa kali kufwa. Elyo waa kaguma cikobela ca Simalela. Leza, uuvubide mu luse, wakanyona a kumwaambila ciimo cakwe. Elyo waa kaponesegwa ku cilwazi eci ca bulowa.

¹⁴⁰ Sibwaamu, muniini mubi wakainka ku mukalo buzuba bumwi, kuyo teka meenda. Katakwe bulangizi. Waa kali tandidwe kuzwa ku banakalindu, kuzwa ku bantu boonse, buumi bwakwe tii bwakali buboto. Elyo waa kayeeya, “Ino cigwasya nzi kusola? Nda katandwa, kwiina cintu cisyeede kuli ndime.” Pele waa kalanga, kaimvwi okuya ku lubazu, na kakkede kumbali lya mukalo, ely mpaawo kwakali Muntu wakakkede aalya Oyo waka mwaambila zintu zyonse nzya kasola kucita, Leza uuvubide mu luse Lwakwe.

¹⁴¹ Oyo Leza nguwenya, sunumasiku, uli vubide nconzyo mu luse Lwakwe, alimwi mbubonya buyo Mbwa kabede mu mazuba ayo. Leza uvubide. [Kabeela katakwe cintu aa teepu—Mul.]

¹⁴² Ndi yeeya kuti tu jisi makkaadi aa mipailo ali myaanda yobile kubusena okuno, na alio ngaye ngo twaita mu myaanda

yobile. Tula aita a kulekela bantu kundandama. Tula bakombela.

¹⁴³ Pele katutana kucicita, kuti na kuli bamwi bapya okuno, amuzwe ku malweza oonse. Aya taali malweza. Nku yubunuka kwa cisyomezyo ca Leza. Ci tola aali eco nco langide. Kwiina nsana mu muntu uuli oonse. Kwiina nguzu mu muntu. Pele swebo mbuli basyomi tujisi bwami; kutali nguzu, pele bwami.

¹⁴⁴ Umwi wakandi buzya, kutali ciindi cilamfu cainda, kati, "Mukwesu Branham, sa ula syoma kuti ujisi nguzu zya kucita ceeci?"

¹⁴⁵ Nda kati, "Nse jisi nguzu, pee, pele Ndi jisi bwami." Musyomi aumwi uli bujisi. Ikuti na wa bukaka, uyo kkala awo mpobede. Pele ikuti na ula buzumina, buya kucita cakuvula kapati, nkaambo Leza uli vubide mu luse Lwakwe.

¹⁴⁶ Kobweza musilikani muniini wiimvwi awa mu kagwagwa, zisani zyakwe kazilengelela cisela kuzwa kuli nguwe, walo uli kotede maningi. I ngowani ibambide matwi akwe kuba ansi. Elyo wa yutuka awo myootokala nkoiselemuka kagwagwa ako, ku mamaile ali fifite mu oora, amamota ajisi mahosipawa ali myaanda yotatwe muli njiyo. Ta jisi nguzu zya kwiimika ncinga. Mbo mbubo. Pele mulekele asibe ludweba olo aku tambika eelyo janza, nkabela langilila mabbuleki mbwa kumbana. Ta jisi nguzu, pele ujisi bwami. I dolopo lyoonse lila mwiiminina.

¹⁴⁷ Elyo cindi mwaalumi na mwanakazi, Nse kwe ndaba a ciimo mobede, muli jisi bwami bwa Leza, ku cisyomezyo, nkaambo Uli vubide a kusyomezya kucita cakwiindilila kapati. "Ikuti na waamba ku dundu eli kuti, 'ko zyuka,' akuta zumbaunya mu moyo wako, pele kusyoma kuti eco nco waamba ciyo citika, inga watambula eco nco waamba." To jisi nguzu, pele uli jisi bwami.

¹⁴⁸ Amuyeeye cindi Na kandaambilka kaindi okuya, kati, "Uyo konzya kuyubununa maseseke aa myoyo." Nkambo Wa... Mula yeeya eco, bunji bwanu nobantu bamu Phoenix? Wa ka cisyomezya. Eco Nea syomezya, Ula cita.

¹⁴⁹ Lino kuli bamwi banu awa bata jisi makkaadi aa mipailo, elyo kwiina kuzumbauzya. Mbangaye bacisidwe bata jisi makkaadi aa mipailo, amutambike maanza anu? Masimpe. Ncibotu. Ikuti na tuyanda kuziba, kutali bwami...kutali nguzu, pele bwami bwa Ijwi, "I zintu Nze cita, myuo zicita anywebo."

¹⁵⁰ Jesu wakasyomezya, muli Luka 17:30, kuti kakutanaba buyo Kuboola Kwakwe, kuyooba mbuli ciindi ca Musa...na Nowa, "Cindi nibakali kulya a kunywa, a kupegwa mu lukwatano; alimwi tiiba kaziba mane buzuba obo Nowa mbwa kanjila mu bwaato." Wa kaamba kuti kuyooba ciindi eco. Mpawo Wa kaamba akwalo kuti, "Mbili mbo kwakabede mu mazuba aakwa Lota," a kuti, "eci ciyo citika mu buzuba obo cindi Mwana wa

muntu aku yubununwa, cindi Mwana wa muntu ano yubununwa mu mazuba aakumamanino.”

¹⁵¹ Lino amulange eco Walo, obo Mwana wa muntu mbwa kaliyubununa Mwini mu muntu wa ciimo ca Angelo oyu, oyo wakali Mwana wa muntu. Nincobeni. Abrahamu waka Mwiita kuti, “Elohimu.” Wa kali Mwana wa muntu, wakali yubununa Mwini inyika ya Bamasi kiitana kuumpwa. Mbobuti Mbwa kacicita? Ku musyomi. Ku sikuli-cengeezya, Wa katuma bakambausi bobile kumusanza kuyo bakambaukila. Pele ku musyomi wini, Wa kaimikila kapede sule Lyakwe ku tente, elyo Wa kati, “Abrahamu.” Wa kali Abramu buzuba...mazuba masyoonto kakutanaba, obo. Pele lino ngu Abrahamu. “Uli kuli mukaintu wako, Sarah?”

¹⁵² Kati, “Uli mu tente, kunze Lyako.”

¹⁵³ Kati, “Ndiyo bamba cisyomezyo Cangu kuli ndinywe. Ndiya ku muswaya.”

¹⁵⁴ Oh, Abrahamu wakali myaka ili mwaanda yakukomena, a Sarah wakali makumi ali fuka; pele Leza, uuvubide mu luse, waka cizwidiliza cisyomezyo Cakwe. Ca kaleta muvwanda, nkaambo Leza ngu siluse, alimwi Walo uzwide luse. Uli vubide mu luse. Ula zwidiliza cisyomezyo Cakwe.

¹⁵⁵ Amubone, a sule Lyakwe kalifutete ku tente, Sarah wakaseka a kuti, “Mbobuti zintu ezi mbo zinga zyaba? Ndili cembeede. Mbwae konzya kuba a musaalo a mulumi wangu, mbuli mwanakazi mukubusyi uukwetwe? Baa, ujisi myaka ili mwaanda yakukomena. Kuswaangana kwa mukwasyi wesu kwa kamana, myaka minji, minji yakainda. Mbobuti eci mbo cikonzya kuba?” Elyo waa seka kujatikizya ncico.

¹⁵⁶ Elyo Angelo a...Mwana wa muntu kapede sule Lyakwe ku i—ku tente, wakati, “Nkaambonzi Sarah waseka, kwaamba kuti, ‘Mbobuti zintu ezi mbo zikonzya kuba?’”

¹⁵⁷ Ino cakali cinzi? Jesu wakati, mu Musalali Luka 17:30, wakuti, “Mu mazuba mbuli mbo kwakabede mu mazuba akwa Lota,” ciimo nciconya, inyika ya Bamasi kiitana kuumpwa, Wa kati, “Mwana wa muntu uyo liyubununa Mwini mu buzuba obo.” Wa kapa cisyomezyo, eco Malaki 4 ncaka tusyomezya kuti ciyo amba. Ii Mulumbe uyo yutuka uyo boozya bantu kujokela ku Mulumbe mutaanzi wa pentekoste, a zilongezyo nzyoonya nzoba kajisi aa buzuba bwa...Ino ncinzi? Ngu sikwaze ujisi mababa obile, Cizuminano Cipyia a Cakale, kavukauzya zisyomezyo zyakwe antoomwe, zya Leza, ku kuzulizya zisyomezyo zya Bbaibbele nzo zya kaamba kuti ziyo cita. Ameni.

¹⁵⁸ Leza, uuvubide mu luse, takalekela bantu Bakwe kwiinka mu kabungwe aka, “kavubi mu mbono a zintu zya inyika,” Bukkalo bwa Mbungano ya Laodikeya, pele Uyo bamba nzila ya kulobokela. Amu cisyoma, nobantu. Leza amu longezye. Ameni. Leza uuvubide mu luse! I luse lwa Leza, eco nce cintu cilikke Nce

yanda. Kutali bululami Bwakwe, kutali mulao Wakwe; pele luse Lwakwe nceeco Nce itila. Leza koba siluse kuli ndime. Toonse tuli kujisi kulimvwa oko.

¹⁵⁹ Ndali kulangilila. Kuli mwanakazi muniini ukkede awa kumamanino aa cuuno. Sena uli jisi kkaadi lyamipailoko, mulindu? To jisi. Andi kutondezye kuti Leza ulivubide mu luse. Wali kulilibilika loko awa calino kapati, embo na? Cabubyaaibi loko, a meso ako aindilide kubija. Sa mbo mbubo? Mbo mbubo. Lino ala cinca. Leza, uuvubide mu luse Lwakwe, kwinda kukulomba na inga wasyoma eci. Lino tojisi kkaadi lyamipailo, tojisi cintu; pele tali yandikani kuli nduwe. Wabona, nduzyalo lwabikkwa cabulemu kuli nduwe.

¹⁶⁰ Mpaawo kukkede mulombwana muniini ukkede nkoonya kumbele, a musyobo wa ii... ukkede mpoonyawa. Walo uciswa cikoto cilaa mibili wakwe. Ca boola buyo calino awo, calino. Sa mbo mbubo, munene? Mbo mbubo. To zyi mbo cibede. Uli ciyoowede. Mbo mbubo. Caka talikila kuzwa ku kucuzauka, embo na? Sena uli jisi kkaadi lyamipailo? To jisi kkaadi lyamipailo. To yandikani lyomwe. Leza uuvubide mu luse Lwakwe!

¹⁶¹ Oh, mukwesu, mucizi, syoma Leza! Uta Mu zumbauzyi. Ko Mu syoma! Mbo mbubo.

¹⁶² Mpaawa kukkede mwaalumi, uusamide nsuuti ya gileyi, uusamide magilazi. Langa awa, munene. Sena ula syoma? Leza ulivubide mu luse Lwakwe. Yebo ukkede awo kojisi heniya. Sena ula syoma kuti Leza inga waiponya eyo herniya a ku kubamba kuba kabotu? Ukkede mpoonyawa kumamanino aa cuuno, uundi langide. Ikuti na ula syoma kuti Leza inga waiponya herniya eyo, Leza uyo cita eco kuli nduwe ikuti na uyo citambula. Sena ula cisyoma? Sa ula citambula? Ncibotu. Inga wa citambula ikuti na ula cisyoma buyo, koba a luse. Iiyi, munene.

¹⁶³ Ngooyu mulindu ukkede awa, uciswa kuzunguluka kwa bulowa kutali kabotu mu mibili wakwe. Pele ikuti na uyo syoma, Leza uyo muponya, ikuti na ula cisyoma. Nda syoma uyo ciimpya, masimpe mbili cintu cili coonse. Koba a luse, ngo mupailo wangu. Inga nda mubona mwanakazi asyoonto wa... Muka. Riley, sena ula syoma kuti Leza inga waponya oko kuzunguluka kwa bulowa kutali kabotu? Ikuti na ula cita, ko citambula! Ameni. Kosyoma buyo. Leza mubotu, sa Tali obo, Stella? Inzya. Mbo mbubo. Nse na mubwene mwanakazi mu buumi bwangu. Pele, Leza, mu luse Lwakwe!

¹⁶⁴ Mpaawa kukkede mwanakazi umbi, ukkede nkoonya kusule kwini okuya, nkoonya kusule, uulangide nkoonya kuli ndime. Walo, awalo, ujisi kuzunguluka kwa bulowa kutali kabotu, alakwe. Waa kali kukuyeeya mpoonyawa. Nsenamubwene mwanakazi mu buumi bwangu. Mukuba kuti oyu mwanakazi umbi wajisi cintu nciconya, ko ndilange. Sena ula ndisyoma kuba musinsimi wa Leza, na mulanda Wakwe? Ujisi penzi lya

moyo akwalo. Ikuti na mbo mbubo, tambika janza lyako. Toli jisi lino. Leza, uuvubide mu luse Lwakwe, ula tondezya kuti Ula pona omuno mu buyake sunumasiku. Leza uuvubide mu luse Lwakwe! Ameni.

¹⁶⁵ Sa inga kwaba, mbangaye basizibi a basikuwa banga baimikila ku matende aabo, a kwaamba, “Leza, uuvubide mu luse Lwakwe, koba siluse kuli ndime”? Koimikila ku matende aako. Ndila mukombela, ikuti na mwa syoma kuti Uyanda... moyanda luse lino. Leza aku longezye. Leza aku longezye. Leza aku longezye, yebo. Sikuwa, koimikila ku matende ako. Leza uuvubide mu luse Lwakwe! Sa uli—uli...

¹⁶⁶ Masimpe tonaba acinywe loko, mu ciimo eci, cakuti tokonzyi kubona kuti eco nce cisymezyo nciconya ca oora. Masimpe tona jatwa maningi mu kabungwe, a zintu zimbi, cakuti tokonzyi kubona kuti eci ncisyomezyo ca oora, Leza uuvubide mu luse.

¹⁶⁷ Kufumbwa na wali ni, oyo waimikila, Ndila komba buyo mu kaindi kaniini. Ndi yanda kuti uka lijanine nzila yako ku mbungano imwi mbotu iizwide Makani mabotu a—a kuba—a kubapatizigwa mu lubbizyo lwa Bunakristo, Leza akakupe Muuya Uusalala.

¹⁶⁸ Sa kuli umbi uya kwiimikila ku matende akwe, a kwaamba, “Mebo, Ndi yanda kwiibalukwa. Leza, mu luse Lwako, kondi yeeya. Nse napona mbuli Mbwe elede. Ndiza...”? Leza aku longezye, omulindu. Alimwi Leza aku longezye. Leza aku longezye. Leza aku longezye. Leza aku longezye. Mbo mbubo. “Leza, uuvubide mu luse Lwakwe, kondi fwida luse.” Leza aku longezye, mucizi. Sa kuli...

¹⁶⁹ Mbangaye bambi omuno mukati, bat, “Ndila imikila. Ndi yanda Leza kuziba kuti Ndi yanda luse. Nse napona kabotu. Nda kapona nzila *eyi* a nzila *eyo*. Nda kali kuzembaana, pele Ndi yanda luse Lwakwe.” Leza aku longezye, mukwesu. Umwi umbi, wat, “Leza uvubide mu luse Lwakwe!” Leza aku longezye, mucizi. Leza aku longezye, mucizi. Mbo mbubo. Leza uuvubide mu luse Lwakwe! Leza aku longezye, ayebo. Leza aku longezye kusule okuya. Leza ula kubona. Koimikila buyo ku matende ako.

¹⁷⁰ Kwaamba, “Sena cila gwasya kuli koonse, Mukwesu Branham?” Masimpe. Koimikila a kubona obo kunji mbo kuli lwiindano.

¹⁷¹ Ikuti na ulisinizizye ncobeni mu moyo wako, Leza uli vubide mu luse. “Ta yandi kuti umwi akanyonyooke, pele kuti boonse baka boole ku lweempo.” Leza uuvubide mu luse Lwakwe! O Leza, kotu fwida luse.

¹⁷² Lino mbangaye omuno lino, abo bajatilide makkaadi aa mipailo? Ino bakali kuli? Ma A am B, embo na? Ma A am B. Bantu boonse bajisi kkaadi lya mipailo lijisi maA, amwiime okuya ku lubazu *olu*, a kkadi lya mipailo B ba yooima kusule lyabo.

¹⁷³ Nda libuzya ikuti na kuli bakutausi bamwi okuno bang a bayanda kulangila mu kundi gwasya. Ikuti na nkobali, bang a bayanda kuboola, inga Nda botelwa kuba a lugwasyo lwanu—lwanu awa, nkambo tuyu botelwa ku komba, a ku komba—komba a ndinywe.

¹⁷⁴ Eli, Bbaibbele lyakati, “Ezi zitondezyo ziyo batobel aabo basyoma.” Iiyi, munene. “Mu Zina Lyangu bayo tanda madaimona, bayo amba mu myaambo mipya.” Sena twa kacicita? Ku luzyalo lwa Leza; kutali ndiswe, pele Leza uuvubide mu luse kuti azwidilizye Ijwi Lyakwe. Leza!

¹⁷⁵ Lino, mawhiluceya, ikuti na muyanda kwaabikka mpoonya ansi awa kumbele; tula bapailila mpoonya awa, tatu koyandika kuba kkuba kwinda omuya, mu kazila ako konse. Akulekwe, ncibotu, aba boole nkoonya kutala okuno. Tula cikombela ncobeni, umwi aumwi wesu. Leza uuvubide mu luse Lwakwe!

¹⁷⁶ Sa inga mwaimikila ku lubazu lwa janza lyalulyo lino, kwa maminiti masyoonto? Sena Mukwesu Brown waboola a nduwe? [Ii mukwesu waamba, “Uboola juunza.” —Mul.] Uboola juunza. Nda—Nda—Nda kali mu bulangizi bwakuti najanika okuno. Uli kuli, uli kuli Mukwesu Outlaw, uli kuli Mukwesu Fuller? Bamwi bantu abo bakali kutala okuno a ndime cindi Ne kasaanguna kuboola, atu joke. Mula iyeyya na eyi mindando ya mipailo ya ciyanza cakale, cindi nitwakali kunga twaima okuya mane mwakali kunga mwa ndijatilila ku lubazu lumwi, a muntuumwi kuli lumbi, Nda kali kunga ndakompama loko?

¹⁷⁷ Mbangaye bakali mu miswaangano kaindi loko ku matalikilo? Amulange awa. Mula yeeya kaindi okuya, Nda kamwaambila kuti Mwami Jesu waka ndaambila kuti, ikuti na Ndi kasinize, kuti zintu ezi ziyo citika. Sa mbo mbubo? Taakwe notwa kajisi cili boobo mu buzuba obo. Pele caka citika, nkaambo Leza uli vubide mu luse Lwakwe, a kusyomeka ku cisyomezyo Cakwe. Amen! Kusola kuleka, nkabela Nse konzyi. Amen! Alumbwe Leza! Aleluya! “Oh, Ndili kkomene kapati kuti Ndili umwi wabo!” Amen. Oh, ma!

Kuli bantu kutandila koonse,
Abo bala myoyo yoonse iipyä
A Mulilo oyo wakawida aa Pentekoste,
Oyo waka basalazyä aku balondola;
Oh, Ula yaka lino mukati ka moyo wangu,
Oh, bulemu ku Zina Lyakwe!
Ndili kkomene kapati kuti inga Nda ti Ndili
umwi wabo.

¹⁷⁸ Oh, mebo, wakapenga, usampaukide, mucete mupenzi, mbuli Mbwe kabede; elyo lino ku luse Lwakwe, luse Lwakwe luvubide, Nda konzya ku bubona Bwami bwa Leza mu kuboneka. Amen. Obo mbo ili mibotu Milao Yakwe!

¹⁷⁹ Koimikila eeni abusena, mukwesu wangu, aa kkilachi yako. Ikuti na tokonzyi kunyamuka, ncibotu, koimikila mpoonya awa, tula seluka mpoonya awa kuzo kukombela.

¹⁸⁰ Elyo lino amulekele ama A a B, aa makkadi aa mipailo, bandandame ku lubazu lumbi okuya, nkabela tula bapailila.

¹⁸¹ Bakwesu bakutausi, nywebo ncobeni, ikuti na mula syoma mu kubikka maanza aa balwazi, amusike mpoonya awa a kwiima a ndime aa cibumbili eci. Tula kombela baciswa.

¹⁸² Lino kuli ndinywe nobantu baimvwi mu mundando oyo, ikuti na mula konzya kusyoma kuti Busyu bwa Leza buli waano, kuti Muuya Uusalala uli akati kesu lino, kukucita nciconya eco Nca kaamba kuti Uyo cita. Ikuti ni Ndali jisi nguzu zya kumuponya, Ne cicita ncobeni. Ikuti ni Ndali jisi nzila ili yoonse yaku muponya, Ne cicita ncobeni. Nse zijisi pe. Ndi... Leza wakapa cipego ciniini.

¹⁸³ Nseli mukambausi uukubwene. Nse jisi lwiiyo lukubwene lwa kweelela mbuli mukambausi, oyo utegwa mukambausi mu mazuba ano, cindi i—cindi luzibo nolweelede kuba luzibo lwa lwiiyo lwabukombi, alimwi lweelede kuba a digrii lya bwiyyi limwi, azimwi zimbi. Nse konzyi kweelela kuli ceeco. Pele Leza, mukubona moyo wangu, a kuziba kuti Nda yanda kucita cintucimwi kuli Ngewe, Ndi yanda ku cilumba.

¹⁸⁴ Ii muntu waka ndaambila buzuba bumwi, kati, “Ndi yeeya kuti muli bantu buyo babotu, Ba. Branham, pele Ndi syoma kuli muli lubide cakusiniza. Muli zwide ku luyando lonse. Sena mulizi kuti muyopewa mulandu ku mamanino?”

¹⁸⁵ Elyo Nda kati, “Langa, Ndi yanda ku kwaambila cintucimwi. Ndila amba kuti inga—inga koli kabotu, ku kwaamba buyo kaambo ka kukazya. Ikuti na Ndili lubide, kwalo Nse—Nse syomi kuti Mbwe bede; pele ikuti na Ndali lubide, alimwi Nda lizi ndyoonya lino kuti Nda kali kuyo pona kwa myaka ili mwaanda yakukomena, alimwi Wa kali kuyanda kundipa mulandu ku mamanino aa lweendo, aku ndaambila kuti, ‘To eleli kuboola ku Julu Lyangu, William Branham. Koya mu mudima waanze.’ Yebo ulizi cintu na? Ne ka Mu belekela mazuba oonse aa buumi bwangu kusikila Nke unka, nekuba. Nkambo Nda katambula zilongezyo Zyakwe zinji loko zya kuteelawa, kuti Ula indilila kuba buumi kuli ndime. Ngu zintuzyonse ezyo Nze...”

¹⁸⁶ Koonse oko Mbwe bede, koonse Nkwe kasola kulangila kuba, Nda kakujana kuzwa ku luzyalo a luse Lwakwe. Nda kalipengede, usampukide, mucete, moofu; pele ku luzyalo Wa kandi ponya, nkabela Ndili tuyumu a wanseba mbotu, ku luzyalo lwa Leza. Ndi jisi kukubona kubotu. Nda kalya, kunywa, kuba a coonse Nce bulide. Ta kasyomezya kupa kuyanda kwangu; cita kubula kwangu.

¹⁸⁷ Elyo ikuti na Ndi kabe musowe ku buzuba obo, elyo Nda kalizi... Nse konzyi kubona awo Mpe yooba. Pele ikuti na Nda kalizi kuti Nda kali lubide, nkabela Leza wandsala kulubila, Inga ndayanda kukkanla nkelubide, alimwi nkaambo kakuti Ndi yanda kucita luyando Lwakwe. Ngu, Nda Mu yanda mane Ndi yanda luyando Lwakwe lucitwe. Lino, aka nkaambo kapati, pele Nda syoma mula kamvvisya mu nzila, muuya Ngwe kaamba mukati. Mwabona, Ndi yanda kucita luyando Lwakwe. Nda Mu lomba cintucimwi ciindi cimwi, Ula zungaanya mutwe Wakwe “peepe,” Ndi sekelela buyo kunji loko kujatikizya ceeco mbuli Mbwe konzya ikuti na Wa kati “iiyi.” Nkaambo, lyoonse tweedele kulomba kuti, “Luyando lwako lucitwe.” Ma peepe aakwe ali buyo mbuli... ikuti na olo nduyando Lwakwe, olo buyo... Cila boteleyza loko coonse kwiinda ma iiyi Aakwe, ikuti na nduyando Lwakwe lwa kucicita. Eco nce cindino Mu yanda ncobeni. Ameni.

¹⁸⁸ Nda talika kwaambaula kujatikizya Nguwe, Nse konzyi buyo kuleka. Oh, Ngwa kasimpe loko, kasimpe loko kuli ndime! Beenzuma, Ngu—Ngu koonse Mbwe bede, koonse Nkwe kasola kuba, koonse Nkwe sola kulangila kuba, nku bombomana muli Kristo Jesu, Ijwi Lyakwe.

¹⁸⁹ Ndili lumbide sunumasiku ku bumboni bwa Muuya Uusalala, ku Mulumbe. Ndi lizi inga, bamwi inga teeba zuminani a Nguwo, pele mbuli Mbwe mwaambila, Ndi jisi bulizi ku Mulumbe. Ii citondezyo cakaba, alimwi Leza ta tumi citondezyo cakutondezya buyo kuti Ngu Leza. Ii Mulumbe, Jwi lyoonse litobela citondezyo. Kufumbwa muntu ulizi obo.

¹⁹⁰ Jesu wakasika antomwe azitondezyo a zigambyo. Wa kali Muntu mulemu cindi Na kali kucita zitondezyo a zigambyo, pele cindi Na katalika kukkanla aansi a katalika kuleta Mulumbe, “Mebo a Taata Wangu tuli Bomwe,” oh, ma, eco caka lubila kuli mbabo. Mwabona? Pele Jwi lya keelede kutobela citondezyo.

¹⁹¹ Musa waka pegwa zitondezyo zyobilo, alimwi citondezyo acimwi caka jisi jwi. Mbo mbubo. Nda kakambauka aali nguwo okuno ciindi cimwi cainda, ku busena bumwi, akuti, *I Jwi Ly Citondezyo*. Ci leeleda kuba a—a Jwi lya citondezyo. Nku cinca. Lyoonse cili mu nzila eyo. Ikuti na tacili obo, mpawo tii cakazwa kwa Leza.

¹⁹² Ikuti na muntu wayutuka a mulimo uugambya weenzu, oyo ujanwa mu Bbaibbele kuba wa Bwini, alimwi oyo muntu ula kkalilila mu njiisyo eyo njiyonya yakaindi yakabungwe, ko uluba. Taakwe cintu kuli nguwo! Leza taciti cintu mbuli ceeco. Eco cintu, ayo mana aakabola aajisi lumoma muli ngawo, na bamvunyungwa, na kufumbwa mbo muyanda ku ciita, aazwa ku myaka ili makumi one, makumi osanwe yakainda, ka cisola kulya mana ayo aakaindi akawa kaindi loko myaka yakainda.

Elyo bana ba Israyeli, mu lweendo lwabo, mana mapya akawa busiku abumwi. Mbo mbubo, tokali kukonzya kwa yobola.

¹⁹³ Ta tuponeni ku bukkalo bumwi bumbi bwakamana. Tu lya Mana mapya, Mana mabotu azwa ku Julu, mu lweendo lwersu mbuli mbo tu zumanana.

Atu kotamike mitwe yesu lino.

¹⁹⁴ Mwami Leza, Uli kasimpe loko, Busyu Bwako. Ndi yeeya luzyalo, Mwami. Twa—twa Ku bona ncobeni kocita zintu zinji loko! Twa ka Kumvwa kokanana mu myaambo, ku Kubona koupan dulula, kwiinda mu bantu Bako. O Leza, ku Kubona koponya balwazi, kojula meso aa boofu, kubamba balema kweenda, basinkematwi kumvwa, basyataambi kukanana, ino Uli Leza mupati a singuzu!

¹⁹⁵ Elyo mpawo kubona kuti Wa kasyomezya ceece mu mazuba aakumamanino. Nekubakuti tu jisi kulikozyanisyu kunji kwakunyama, nekubaboobo kutondezya buyo kuti kuli Leza wini, kubusenabumwi, wa kasimpe ncobeni. Elyo Nda komba, Taata Wakujulu, sunumasiku, kuti tu yooba tweluka loko Leza kuziba kuti Uli waano.

¹⁹⁶ Elyo bantu aba mu mundando, cindi ba inda mu mundando oyu, Mwami...nkambo tuli mukucita eci nkaambo, kuti twa panga cisymezyo kuli mbabo. Elyo Wa kati, “Ezi zitondezyo ziyo batobelabo basyoma.”

¹⁹⁷ Mbaaba bakwesu bakutausi baimvwi awa, baalumi abo Mbo kasala, kuzwa ku malengelo aa inyika, kuba obo mbo babede sunumasiku. Yebo ulizi, kakutanaba nyika, kuti ni twa kalino imvwi ano sunumasiku, nkaambo Uli mupatikampatila.

¹⁹⁸ Aboobo twa komba, Taata Wakujulu, sunumasiku, kuti mbuli bantu aba baciswa, basunkuta, boofu, balema, bakanyonyoonwa ku kkulenge, kufumbwa mbocinga caba, abo bainda mu mundando oyu, akube kuti bamvwisye kuti nguonya Leza oyo uuzi maseseke aa moyo ayo baponya, ikuti na bayo citambula buyo, kulanga a kumvwisya buyo.

¹⁹⁹ I muntu waka langa ku nzoka ya mukuba mbuli buyo mupaizi...kabeela ka mukuba, nataka ponesegwa pe, nkaambo ta kajisi kumvwisya obo mbo cakabede.

²⁰⁰ Elyo asunu, Mwami, mbubonya. Ikuti na balanga ku cipego, ku yeeya inga cakonzya ku bagwasya, taba jisi kumvwisya. Cili ku kusimpikizigwa kwa Busyu bwa Leza buli waano ku kuponya. Ko cipa, Taata. Akube kuti cicitike, mu Zina lya Jesu. Ameni.

²⁰¹ Ndi yanda sikulizya piyaano muniini, ikuti na uyo cita, mwaalumi na mwanakazi, kufumbwa mbwanga waba, kwiinka okuya a kulizya lwiimbo olu, “I Musilisi mupati uli munsi lino, Jesu silweetelelo,” ikuti na ula cita, kufumbwa na nguni sikulizya piyaano. Lino eco...

²⁰² Nda yeeya umwi wa miswaangano yangu mitaanzi ya kuponesegwa, ku Fort Wayne, Indiana. Ii musimbi muniini muna Amish kakkedé, kalizya piyaano eyo, “I Musilisi mupati uli munsi lino, Jesu silweetelelo.” Ii muvwanda muniini waka letwa kuli ndime aa cibumbili, wa kali kusunkuta. Elyo kuciindi Ne kali kukombela muvwanda ulya, waka sotoka kuzwa mu maboko angu a kuselemukila aa cibumbili. Banyina bakawizuka. Banyinakulu baka waala katambala kabo mujulu, bakatalika kulila.

²⁰³ Elyo musimbi oyu muniini muna Amish lino, mukutaziba cintu cijatikizya ba Pentekoste, nkaambo waa kali kuzulilwa ku mbungano ya Amish; pele waa kali kulizya. Masusu akwe malamfu akawida ansi; waa kabuka mu Muuya a kutilika kwiimba mu myaambo itazizilwe, alimwi i... alimwi a kuzuminana kwa lwiimbo olo. Elyo alo makkii aa piyaano akali kuputa kuya mujulu aansi, kaalizya, “I Musilisi mupati uli munsi eno, Jesu silweetelelo.” Amen! Ngu mbobuca nguwenya, sunu, amuya myaaka.

²⁰⁴ Lino atu paile lino mbuli... Lino oonse muntu kumasena okuya apaile. Nywebo nobantu nomuboola kwiinda mu mundando, cindi twa bikka maanza ali ndinywe, amuyeeye, Jesu wakati, “Ikuti na mwa cisyoma, inga muya kuba kabotu.” Mula cisyoma? Lino atwi imbe toonse lino.

I Musilisi mupati uli munsi lino,
Jesu silweetelelo;
Ula kanana...

Atu jale buyo meso esu lino mbuli mbo twiimba.

...kubotezya myoyo,
Oh, kumvwa Jwi lya Jesu.

Bwiimbe bubotu loko mu kaimbo kerabimu,
Zina bbotu loko ku lulimi lwa muntu uufwika,
Mubotu loko...(Taata Leza, koenda aa bantu
eno)...kaimba,
O Jesu, ulelekedwe Jesu.

I mupati...

²⁰⁵ Lino mbuli mbo mwiindamo lino, Mpali ano. Mubweze ijwi lyangu, na amu cisyome nobeni, Uli waano. Bantubonse mu mupailo kumasena okuya lino ku bantu. [Mukwesu Branham kombela balwazi, Mukwesu Borders ulazumanana kwiimba *I Musilisi Mupati*. Kabeela katakwecintu aa teepu—Mul.]

O Mwami, Nda syoma, O Mwami, Nda syoma;
Zintu zyoонсе zilakonzeka, O Mwami, Nda
syoma.

²⁰⁶ Boonse abo basyoma, tambika janza lyako mbuli obu, kwaamba, “Ndila syoma.” [Mbunga yaamba, “Nda syoma.”—Mul.]

²⁰⁷ Ngooyu ulikkede muntu uukkede awa. I kaambo nce Ndali ambele; kwaambaula, uli mukufwa ku kkulenge. Uli aa kkilacci eyi. Takukwe nzila mu inyika ya muntu ya kupona, kunze lya Leza. Ujisi kkulenge moonse mu matumbo, alimwi uyo fwa ikuti na tacili ca luse lwa Leza. Elyo Nda lombozya Ne konzya buyo... [Kabeela katakwecintu aa teepu—Mul.]... ijwi lya kuyumizigwa ku mwaalumi oyu.

²⁰⁸ Yebo, yebo ulizi kuti bamadokotela taba konzyi kukucitila cintu lino. Tokwe bugwasye kuli ceeco, wabona. Elyo uli... Ujisi buyo ciindi comwe, alimwi eco cili muli Kristo, mwabona. Elyo, mukwesu, yebo... Njo fwa buzuba bumwi, ambebo. Uyo elela kuunka, ikuti na Jesu katanasika. Nde elede kuyo muswaana okuya, koimikila okuya ku Mungwala wa Lubeta. Elyo busiku obu...

²⁰⁹ Nywebo mulizi, mbuli mu televizhioni, televizhioni ila zweza eco ciindi coonse akwalo notweenzya tunwe twesu, kufumbwa cintu, cili mu bulunguluzi. Ijwi lyoonse ndyo twaamba, lili mu bulunguluzi. Lino, mwabona, televizhioni ya kacitondezya eco. Lino, televizhioni tapangi cifwanikiso pe, yiinzya buyo mayuwe ayo mu televizhioni. Mwabona, tai cipangi. Kwakali televizhioni cindi Adamu na keenda aa nyika, kwakali televizhioni cindi—cindi Musa nakaboola kwiinda mu Lwizi Lusalala, kwakali televizhioni cindi Eliya nakali aa Cilundu ca Karimeleki, mwabona, pele bakii bbutukizya lino. Mwabona? Elyo lino koonse Nkwe...

²¹⁰ Kweenda koonse nko tupanga, a kulila koonse, nkulizya rekordi eyo iyo tu swaana ku Lubeta. Kweende koonse nko tupanga kweelede kuyo tu swaana okuya. Nde elede kuyo peda bwiinguzi ku majwi Nge mwaambila, mbuli mukutausi. Nde elede ku cicita, nkaambo Leza uyo ndi peda kaambo kuli ncico.

²¹¹ Lino ikuti Nda konzya, inga Nda kubamba kuba kabotu; nkaambo ujisi buyo ciindi ciniini, ikuti na tali Leza. Lino, Nda seluka a ku kukombela, koonse Nkwe kazi kucita. Mukwesu, kufumbwa cintu mu nyika, Inga ndacita ku mwaalumi uukkede omuya mu ciimo eco, inga Nda cicita.

²¹² Elyo andi kubuzye, wabona. Yebo—yebo—yebo wakaponesegwa kale, nkaambo Jesu wakaaamba kuti wakacita. Mwabona, “Ku mibunda Yakwe twa kaponesegwa.” Lino ikuti na wakonzya, kuzwa kensi lya moyo wako, kotambula oko, toka fwi lino, pele uyo pona.

²¹³ Lino, mwabona, lino tu lizi kuti televizhioni ili mukuboola mu kaanda aka. Tu lizi obo. Ta tu iboni. Ta tukonzyi kwii bona, meso esu ta bambidwe obo, magano esu takonzyi ku cibweza. Citola tyubbu ya kapangwa, na kufumbwa mbo ibede, ya kristolo, ku kutondezya ceeco.

²¹⁴ Mburonya Leza mbwaliko ono. Ta tu Mu boni, pele tu lizi kuti Mpali ano. Jesu Kristo ngu mbobuca. Amulange, Wa

litondezya buyo Mwini, nzila Mbwa libambilila Mwini. Lino, kuciimo ca kuponesegwa, ikuti na Wa liimvwi mpoonya awa lino, Na ta kukonzya ku kucitila, wabona, kutali cintu cimbi. Ikuti na Mwana wa Leza wali imvwi mpoonya awa, kwalo Mpali ano, Mpali ano, pele Na ta konzya ku kucitila cimwi, nkaambo Wa lizibya kale Mwini awa. Mwabona? Elyo Mpali ano kwa ciindi ecino, mbubonya buyo, ku kuponya a ku kubamba kuba kabotu.

²¹⁵ Alimwi mulindu oyo muniini awo waka ndaambila, kati, “Yebo wakalomba cilongezyo, a kusinsima na cintucimwi,” kuli nguwe, kuti uyooba a muvwanda, kakkede mu whiluceeya eeyo. Elyo waa kacita, waa katambula muvwanda wakwe.

²¹⁶ Elyo eno kuli mulindu ukkede awa. Lino waa kajisi kupandulwa kwa cibozu, nkabela kwa kamulebula. Ee, tula zibona zintu zinji loko ka zicitika. Lino, mucizi, muniini, Ndi lizi kuti uli Munakristo wakasimpe. Kaambo Leza ncaka kulekela kukkanala awo, Ta ndizi. Nda syoma, ndiza, nkaambo kakuti uli jisi... Lusyomo, uli—uli mukusola kuba a lusyomo, lwa kuzwa awo, wabona; pele lino langa, tu tasoli kuba alo, atu lutambule buyo eno, wabona, tu ya—tu ya kuba kookuya ncobeni. Nkukoonse kuliko kuli ncico, cila talika ndyoonya lino, nkabela tuyu oba kabotu. Elyo nywebo nobantu kumasena ayo mu zyuuno ezyo, cintu, na—na kufumbwa mbo mubede, amuyeeye buyo kuti Kristo nkwalii.

²¹⁷ Lino yebo wati, “Sa kuli muntuumwi, sena wacibona cifwanikiso cangu kaciboola monse.” Oh, iiyi.

²¹⁸ Alo Majwi aa Jesu Kristo, ayo Nga kakanana cindi Na kali ano aa nyika, ali mukwiinda moonya mu kaanda aka. Ta afwi pe. Mbangaye bazi kuti obo mbwini kunzila yasayaansi? Ee, ino ncinzi? Mpawo Muuya ulabweza Ijwi eelyo lyakalembwa, a ku Li bamba kuyubululwa. Oh, bulemu!

²¹⁹ Mpali ano. Uli mpoonya awa lino, Mwami. Tu buyo... Twa kabona kunji loko, Wa kacita kunji loko, kusikila twa kabaanga, nywebo mulizi, kubaanga buyo nkulebwa kuli ncico. Ikuti na twa mvwisya, kutali buyo cintucimwi cakuyeeyleya buyo, bwaambe bumwi bwaliyiyo lwabukombi; pele bumboni bwakuti Wa kasyomezya kuti Uyo litondezya Mwini mu buzuba obuno, ngooyu Uli muku cilungulula mpoonya awa kumbele lyesu ndyoonya lino. Ino ncintu cibotu! Sa eco tacili cibotuloko?

²²⁰ Lino ula syoma. Sa ula cisyma? Kosyoma kuti tokafwi. Uyo pona, alimwi uyo lemeka Leza. Uyo lemeka Leza. Sa wakasola kubbizigwa? Uli Munakristo, embo na? Elyo uli Munakristo. Ee, uyanda kuponena lulemeko lwa Leza. Mpawo koya ukapone, mukwesu wangu. Mu Zina lya Jesu Kristo, kopona!

²²¹ Elyo, mucizi, uyanda kweenda nkambo ka bulemu bwa Leza, a kumamela muvwanda wako; nkokuti koenda, mucizi, mu Zina lya Jesu Kristo!

²²² Nywebo, umwi aumwi wanu, kocita mbubonya, mu Zina ly a Jesu Kristo! Muta lubi eyi Westward Ho Motel awa sunumasiku, Busyu bwa Leza bwalizibya awa. Tali sikulemuka muntu. Walo ukuyandila buyo kusyoma. Sena mula Mu syoma lino? Ameni. Leza amu longezye.

²²³ Atu kotamike mitwe yesu lino. Ta ndizi ngo basala, wa—wa kumwaisya. Mukwesu Mushegian awa, boola mpoonya awa, mukwesu. Uyo mwaisya mu mupailo. Leza aku longezye. 

I LEZA OYO UUVUBIDE MU LUSE TNG65-0119
(The God Who Is Rich In Mercy)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa muli Bwabili mangolezya, Mukazimaziba 19, 1965, ku Full Gospel Business Men's Fellowship International iku Westward Ho Hotel mu Phoenix, Arizona, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org